

東醫西寶鑑

卷二十



訂正東醫寶鑑雜病篇卷之八

御醫忠勤貞亮扈聖功臣崇祿大夫陽平君臣許浚奉教撰

癰疽

下 關元 穴名 屬小腸天樞 穴名 屬大腸丹田 穴

腸癰腹癰

名屬三焦其穴分隱痛者為疽上肉微起者

為癰也 靈樞 ○腸癰為病小腹腫而強按之則痛

小便數似淋時時汗出發熱而復惡寒身反甲錯

腹皮急如腫狀甚者腹脹大轉側有水聲或遠臍

生瘡膿從瘡出或有出臍中者惟大便秘下膿血者

百愈 仲景 ○溼熱鬱積腸內成癰脉遲緊者宜大

黃牡丹湯或五香連翹湯 方見上 下之脉乳澀者

四物湯 方見血門 加桃仁紅花玄胡索木香脉洪

數者三仁湯小腹疼尿澀者膿滯也宜牡丹散 入

門 ○腹皮急按之濡身無熱乃陰冷所成宜牡丹

散或內托十宣散加茯苓甚者敗醬散小腹痞堅

按之痛身有熱乃結熱所成宜大黃牡丹湯或桃  
仁承氣湯方見寒門黃黑散入門○腸癰冷熱證

雲母膏為丸牛膝湯吞下利去瘀膿即愈或蠟礬  
丸亦佳方見上○腹癰者生於肚腹皮裏膜外左

關脉洪數而腹痛甚者入門是也治法同腸癰

# 脉法

腸癰難知脉滑可推數而下熱腸癰何疑遲緊未  
膿下以平之洪數膿成不下為宜脉訣○跌陽脉

滑而數知當屎膿也仲景○腸癰之脉滑而數滑  
則為實數則為熱滑則為榮數則為衛衛數下降

榮滑上升榮衛相脈經干血為敗濁脈經

# 大黃牡丹湯

治腸癰脉遲緊膿未成可下之大黃苳  
硝各一錢半牡丹皮桃仁瓜萋仁各二

錢半右剉作一貼水煎服有膿即下膿無膿即下  
血○一名大黃湯一方有冬苳仁無瓜萋仁神效

千金

三仁湯

治腸癰腸中疔痛縱非癰疑似間便可服薏

錢右剉作一貼水煎服入

牡丹散

治腸癰冷證腹軟而痛時下膿血牡丹皮人

川芎各一錢官桂甘艸各五分木香三分右剉作一貼水煎服入門

敗醬散

治腸癰身無熱腹濡冷薏苡仁二錢半敗醬

一錢半附子炮五分右剉作一貼水煎服小

黃黑散

治腹內癰腫大黃一兩取末四錢半破故紙

一兩取末二錢牛蒡子一兩取末一錢黑牽牛子一兩取末二錢右和勻分二貼每

腸癰治驗

一婦腹痛百方不效孫兆診日腹痛脉當沈細今反滑數此腸癰也雲母膏作丸溫

### 臂癱

酒吞下服一兩下膿血而安 綱目 ○灸腸癱法屈兩肘正肘頭銳骨端是穴灸百壯下膿血而安 千金

臂上手陽明經分生癱此得之八風之變者傷於風者上先受之宜服白芷升麻湯 入門

### 白芷升麻湯

治臂癱黃芪酒黃芩各四錢生黃芩三錢白芷一錢半升麻桔梗連翹各一錢

酒紅花甘艸各五分右剉分二貼每取一貼酒水各半煎服 東垣

### 臀癱

臀居小腹之後又在於下此陰中之陰也其道遠其位僻雖曰多血氣運不到血亦罕來中年後不可生癱纔有腫痛叅之脉證但見虛弱便與滋補

氣血可保終吉若用尋常驅熱舒氣之藥虛虛之禍如指諸掌 丹心 ○臀癱初起未成膿者隔蒜灸

再用蔥熨法欲作膿者內托羌活湯痛甚者仙方活命飲 二方見上

後宜加味十全湯 方見上 尻醫生癱堅硬腫痛宜內托羌活湯 方見上

湯 方見上

# 懸癰

穀道前後生癰謂之懸癰此病生穀道外腎之間  
 初發如松子大甚痒漸如蓮子數十日後始覺赤  
 腫如桃子即破若破而大小便皆從中出者為難  
 治宜服國老膏精要。此疾管尾常服國老膏雖  
 患亦輕雖潰亦淺誤用寒涼則不可救。初起作  
 痛尿澀者仙方活命飲方見上去大黃服之膿已  
 成者急鍼之久成漏者加味十全湯方見上蠟礬  
 丸方見上。穀道中生瘡取水中小芥葉細搗綿裹  
 納下部日三  
 即愈入門

# 國老膏

治懸癰橫紋大甘艸帶節一兩四寸切以山  
 澗長流水一碗文武火慢慢蘸水炙自早至

午乾則投前水再炙直待水盡看甘艸中心潤透  
 為度細剉好酒二升煎取一升空心隨量飲之三  
 日一服二三服可保無虞此藥雖不即消過二十  
 日後必盡消有人患此癰已破服兩貼瘡即合甚  
 妙精要

# 便癰

俗名便毒實血疔也一名跨馬癰此奇經衝任為

病而癰見於厥陰經之分野其經多血故又名血

疔或先有疔瘡而發或卒然起核疼痛而發皆熱

鬱血聚而成初發宜疎利之即散變膿後如常用

托裏內補之藥正傳○便毒處所上不在腹下不

在腿介乎兩者之中也直指○便癰生於腿腓小

腹之間或一邊腫痛或左右兩邊俱發先用五苓

散方見寒門加大黃或雙解散復元通氣散方見

氣門痛甚者仙方活命飲方見上仍戒房室行動

入門○偏癰宜蘇方散牡蠣大黃湯千金內消散

黃黑散五香連翹湯三方見上消毒飲玉燭散神

奇散○便毒取大蜘蛛一箇研細熱酒調下山居

○便毒初起射干三寸生薑如指大麩細順流水

煎服以瀉為度因用阿膠醋煮塗患處丹心○生

山藥砂糖同搗塗上即消又生薑一塊蘸米醋磨

取千步峰泥付腫處即消千步峰即人家行步地

也得上高塊是得效

蘇方散

治便癰木鼈子當歸尾赤芍藥白芷川芎射干大黃金銀花穿山甲沒藥蘇木甘艸各八

分右剉作一貼酒  
水各半煎服 正傳

牡蠣大黃湯

治同上大黃牡蠣煨各二錢生甘艸一錢黃瓜萹一箇右剉作一貼水煎服 正傳

消毒飲

治偏毒三四日可消皂角刺金銀花防風當歸大黃瓜萹仁甘艸各一錢三分右剉作一

貼水酒各半煎服仍頻  
提掣頂中髮立效 丹心

玉燭散

治偏毒腫痛大黃芩硝各三錢川芎當歸赤芍藥生地黃甘艸各一錢右剉作一貼水煎

空心服  
正傳

神奇散

治便毒魚口瘡 便毒潰破者 牡蠣大黃各三錢黃連黃芩黃柏金銀花連翹各一錢半穿

山甲三片土炒木鼈子三箇去殼黃蠟三兩右剉分作二貼酒水各半煎服 同春



# 雙解散

治偏毒大黃黑丑炒頭末各一錢半官桂白芍藥澤瀉桃仁各一錢甘艸七分右剉作一

貼薑五片水煎服空心先小便快是熟從小便出也後大便利皆是稠毒得效

# 囊癰

者溼熱下注也有作膿者此濁氣順下將流入滲道因陰道或虧水道不利而然膿盡自安勿藥可

也或有因腹腫漸流入囊腫甚而囊自裂開羣丸懸掛水出以歿炭末付之外以紫蘇葉包裹仰臥

養之○癰疽入囊者曾治數人悉以溼熱入肝經處治而用補陰藥佐之雖膿潰皮脫羣丸懸掛者

皆不灰○取紫蘇葉焙乾為末付之如燥香油潤之皮脫者青荷葉包之其皮自生丹心

# 附骨疽

附骨疽與白虎飛尸歷節皆相類但歷節痛則走注不定白虎飛尸痛淺按之則便止附骨疽

痛深按之亦無益○白虎飛尸亦能作膿著骨而

生及其腐潰碎骨出盡方愈然則同是一病但淺深不同耳三四○附骨疽筋骨之內痛如錐刺外

則全無赤腫突起初因露臥風冷或乘涼浴水寒

溼襲淡初起痛不能轉寒熱無汗經久寒鬱為熱  
變而為膿膿成即用火鍼使毒不得內潰入門○  
初起宜漏蘆飲子五香連翹湯方見上陳下之次  
用內消升麻湯在尻醫空內托羌活湯方見上在  
腿內羌活防已湯在腿外托裏黃芪湯黃連消毒  
飲方見上潰後久不愈宜蟾蜍膏赤朮丸平肌散  
入門○初起大痛而肉色不變名附骨癰三生散  
最妙兼用青皮甘艸節二味煎服綱目○附骨疽  
與緩疽石疽賊風相類宜辨而治之入門

# 緩疽石疽賊風辨

緩疽石疽皆寒氣伏於骨髓之間  
其熱緩慢積日不潰久乃紫黑皮

肉俱爛故名曰緩疽○腫與皮肉相似疼而堅硬  
如石故謂之石疽生商陸根搗爛和鹽少許塗付  
日一換即軟○賊風由風邪搏於骨髓故其痛亦  
徹骨遇寒則甚外證惡寒有汗痛處常欲熱熨失  
冷則變為攣曲偏枯○緩疽石疽宜服補虛托  
裏溫熱之劑賊風宜服越婢湯疎通之劑入門

# 始發預防法

環跳穴痛不已防生附骨疽急用青艸  
蒼柏湯服此不愈加麻黃一錢用二三

貼又不效恐疽將成急掘地坑以火燒紅沃以小  
便令患人赤體坐其上以被圍抱下體使熱氣熏

蒸氣血腸

而愈入門

# 漏蘆飲子

治附骨疽初起宜服他惡瘡初起亦可服  
大黃一錢半漏蘆白欬黃芩麻黃枳實升

麻赤芍藥朴硝甘艸各一錢

右剉作一貼水煎服入門

# 內消升麻湯

治附骨疽疎下後服此大黃升麻當歸  
黃芩赤芍藥枳實各一錢半甘艸一錢

右剉作一貼

水煎服精義

# 羌活防已湯

治附骨疽發於太陽厥陰太陰分者羌  
活川芎蒼朮各一錢二分防已木香連

翹射干白芍藥木通當歸尾蘇木甘艸各

七分右剉作一貼酒水各半煎服正傳

托裏黃芪湯

治附骨疽發於足少陽陽明分者當歸尾一錢七分柴胡一錢半白芷一錢二分

分連翹鼠粘子肉桂黃芪各一錢黃柏升麻甘

艸各五分右剉作一貼酒水各半煎服正傳

蟾蜍膏

治附骨疽久不差膿汁敗壞或骨從瘡口出大蝦蟆一枚亂髮雞子大猪脂四兩右以猪

脂煎二物令稠去滓凝如膏貼之先以桑白皮

烏豆前湯淋洗瘡口拭乾然後卻貼之得效

赤朮丸

治附骨疽久不差赤朮一斤泔浸去油用川椒蔥白同煮黑色焙乾間香破故紙川練子

炒赤茯苓白芷桃仁各一兩右為

末蜜丸梧子大溫水下百丸得效

平肌散

治附骨疽成漏久不合老狗頭骨煨露蜂房亂髮灰各二錢半新桑白皮末一錢二分半

右為末入輕粉麝香各少許溼

則乾糝乾則油調付之直指

三生散

治附骨疽及瘡口久不合神驗露蜂房蛇退亂髮各等分燒存性為末每取三錢溫酒調

下空心  
保命

### 青艸蒼柏湯

治附骨疽始作宜預防青皮一錢半甘  
艸節五分蒼朮黃柏各三錢右剉作一

貼水煎和薑汁三匙空心飲之冬加  
桂枝夏加條芩體虛加牛膝 入門

### 流注骨疽

流者行也注者住也或結塊或慢腫皆因素  
有痰火或感風寒邪氣流行至其痰注之處

而發多生四肢或胷腹腰臀關節之處初起宜蔥  
熨法 方見下 實者十六味流氣飲 方見上 兼服竹

瀝達痰丸 痰方見通用榮衛返魂湯合二陳湯 痰方見

令其自消自潰若潰後久不斂宜以托裏為主更  
佐以豆豉餅琥珀膏 雜方見膿成以火鍼破之 入門

流注起於傷寒傷寒表未盡遺毒於四肢經絡澀  
於所滯而後為流注也蓋流注者傷寒之餘毒骨

疽者流注之敗證也 回春 ○痰飲流注於胷背頭  
項腋脇腰腿手足聚結腫硬或痛或不痛按之無

血潮雖或有微紅亦淡薄不熱堅如石破之無膿

或有薄血或出清水或如紫汁又有壞肉如敗絮  
或又如癩癰在皮肉之間如雞卵可移動軟活不  
硬破之亦無膿血鍼口努因突出惟覺咽喉痰塞  
作寒作熱榮衛返魂湯主之 醫鑑 ○骨疽者由瘡  
潰後氣血不榮骨自脫出膿水腐潰碎骨出盡方  
愈蓋人身有正骨附骨傅合成形附骨出則愈後  
如常正骨腐出則為終身廢疾隨腫硬之處潰後  
久不愈則必出碎骨外用附子餅灸或蔥熨法祛  
散寒邪補接榮氣則骨  
自脫瘡自斂矣 入門

# 榮衛返魂湯

主一切痰飲為患專治痰腫又治癰疽  
發背流注腫毒赤芍藥木通白芷何首

烏枳殼茴香烏藥當歸甘艸各一錢右剉作一貼

酒水各半煎服 醫林 ○一名追風通氣散一名通

順散又名何首烏散此方空與十宣散相間用之

並加忍冬藤 入門 ○凡氣血逆於肉理令壅結為

癰疽此藥大能順氣勻血自然榮衛通順不生變

證尤合內疽 入門 ○虛加炮附子實加大黃痰盛

# 疔疽

加南星半夏腫毒堅硬不穿加川芎麻黃蔥白全  
 蝎穿山甲流注加獨活流注者氣血凝滯加獨活  
 則可以動一身血脉血脉既動豈復有流注乎入  
 門○此藥治流注癰疽發背至於救壞病活死肌  
 痺患於味萌之前拔根於既愈之後大能順氣勻  
 血蓋氣陽也血陰也只調陽不和陰則氣耗而凝  
 肌必不活如五香連翹之類是也只和陰不調陽  
 則血旺而氣弱病必再作如內補十宣之類是也  
 此藥兼之真神  
 仙妙劑也 醫林

發於足上下名曰四淫其狀大癰不急治之百日  
 成○發於足傍名曰厲疽其狀不大初從小指發  
 急治之去其黑者不消輒益不治百日成○發於  
 足指名曰脫疽其狀赤黑者成不治不赤黑者不  
 成治之不衰急斬之否則成 靈樞 ○膏粱之變足  
 生大丁 內經 ○疔瘡初發突起如釘蓋故謂之疔  
 近世多見因食自死牛馬禽獸之肉而發或感襲  
 天地暴沴之氣而發或恣食辛辣厚味積毒而發

其形有十三種治法皆同初起僅一小瘡殺人於  
一二日之內比之癰疽尤毒又有紅絲疔魚臍疔  
其毒尤甚入門○疔瘡發無定處在手足  
頭面胷背骨節間最急其餘處為緩正傳

# 疔疽形證

疔疽生黃疱中或紫黑色初發必先痒後  
痛先寒後熱四肢沈重頭痛心驚眼花若

大重則嘔逆為難治三因○瘡頭黑硬如釘四畔

帶赤如火盤根突起隨變焦黑未幾腫大而光轉

為溼爛深孔透肌如犬鉞穿之狀入門○外證心

驚頭痛拘急惡寒四肢痛強或寒熱交作頰舌間

赤黑點點如珠直指○或不痛痒只麻木寒熱眼

中流火牙關緊急時時驚惕甚則嘔吐諸證中嘔

以鐵刺瘡不痛無血是其候也又中精義

陷如釘蓋撼之有根是疔也

# 疔疽治法

凡疔瘡毒氣攻心欲死以鐵刺瘡心若覺  
痛有血下錠子若累刺至心則皆不痛無

血者急刺百會穴痛有血者下錠子若無血以親

人熱血代之猶活三四宜用迴瘡錠子碧霞錠子



迴瘡蟾酥錠子精義○又法急以艾炷灸之鍼疔

四邊皆令血出以迴瘡錠子絕之上用膏藥貼之

因服五香連翹湯千金漏蘆湯二方見上疎下之

若鍼之不痛無血者以猛火燒鐵鍼通赤於瘡上

烙之令如焦炭取痛為效亦絕前鍼子經一二日

膿潰根出服托裏湯散以取平復精義○治法急

用飛龍奪命丹或雄黃丸下之去其毒熱次服化

毒丸及二活散正傳○實者初服賽命丹方見上

三丸以蔥酒發表虛者服保生錠子以解毒入門

○通治紫金錠返魂丹一捻金神效奪命丹蟾酥

丸獨蟾丸五聖湯還魂

散千金消毒散選用

# 紅絲疔

疔瘡或有一條如紅線直上倉卒之際急用

鍼於紅線所至處刺出毒血然後以蟾酥乳

香等膏於正瘡內塗之鍼時以病者知痛出血為

好否則紅線入腹必致危殆綱目○疔生兩足多

有紅絲至臍疔生兩手多有紅絲至心疔生面部

多有紅絲入喉者俱難治急鍼其絲出血以泄其

毒方可保

生入門

# 魚臍疔

又有一種瘡頭黑深形如魚臍破之滲出黃水四畔浮漿謂之魚臍疔其毒尤甚絲瓜菜

連鬚蔥白韭葉各等分研膏如泥取汁以酒和服其滓貼腋下如病在左手貼左腋下在右手貼右腋下在左腳貼左膝在右腳貼右膝在身中貼心臍并以帛縛住候肉下紅絲皆白則安矣或蛇退燒灰雞子清調付內服神仙解毒丸丹心

# 脫疽疔

內經曰膏粱之變足生大疔蓋因膏粱酒色蘊積惡毒或久患消渴之餘多有此瘡靈樞

經所謂發於足傷名曰厲疽發於足指名曰脫疽其狀赤黑者久不治治不衰急斬之否則久正謂

此也謂之脫疽以其指節潰爛脫去也

入門

○輕

者色赤自潰先用隔蒜灸內服仙方活命飲

方見

上還魂散重者色黯不痛先用隔蒜灸更服養命

丹方見上及補藥庶可保生○甚者赤變為黑急

須在指則斬在肉則割否則黑延上足必死外治用桐油及無名異煎一沸入川椒一勺看瘡大小剪蓼葉在內同煎浸七日後單以此葉貼瘡上即安

# 一方

治疔疽危篤二服即愈輕者一服效土蜂房一窠蛇蛻全者一條右盛器中黃泥固濟火煨存

性為細末每一錢空心好酒調服少頃腹中大痛痛止而其瘡已化為黃水矣因服五聖湯瑞竹

# 疔疽成證

疔瘡含蓄毒氣突出寸許痛痒異常一二日間害人甚速是尤在癰疽之上也直指

○疔毒入心則口乾煩悶恍惚似醉嘔吐不定危證也萬病解毒丹即紫金錠也以黃連當歸煎湯

化下或賽命丹淵然真人奪命丹皆可服入門

疔毒人心腹則煩悶嘔逆恍惚癡眠其瘡可立待也直指○疔瘡走黃過心者難治若太重則嘔逆

嘔逆者難治姑用乳粉托裏散方見下止之

○疔疽出冷汗者死三因○人有暴死者是疔

毒急以燈照遍身若有小瘡急灸之并服賽命丹

亦有復甦者  
入門

# 拔疔法

疔瘡有毒根在內須拔去乃可救黑牯牛牽

於石上必撒糞候糞上生菌取焙乾與菴荬  
艸葉等分為末用竹筒兩頭去節套在疔上陷入

肉內以線緊縛取藥末一匙滴水和之放於筒內  
少時藥滾起則疔自拔起未效則漸加度數其疔

必拔去後以金銀白芷散調之正傳宜用迴  
瘡錠子或保生錠子四聖旋疔散拔去疔根調治

精義○蒼耳莖葉燒灰醋調塗疔上乾則易不過  
十度即根出和雄黃尤妙本艸○蟬蛻白僵蠶為

末醋調雷瘡口塗四圍瘖疔根出拔去綱目○蜣  
娘安濃米泔小盞中以火逼之蟲熱喫泔反困灰

取腦中白肉新瓦上焙為末熱酒調二錢服仍以  
少許塗疔上根自出資生○一云蜣娘於心腹下

度取之其肉稱白貼疔上根出即愈本艸○斑貓  
一枚捻破以鍼刺疔上封之根即出○取黑虱十

枚置疔上以荻箔繩作炷灸虱上即根出○白狗

尿燒存性和酒服又塗疥上根自出○苦苣取莖  
中自汁塗疥上出根○馬齒莧和梳垢爛搗封疥  
上根出  
本州

### 食疫死牛馬禽獸肉生疔

近見患疔者皆是食自死牛馬禽獸之肉而生此疾

十患十死宜急取紫金錠半錠淡酒化下重者服  
一錠外用凉水磨塗疥上日夜各數次或吐或利  
神效○白頸蚯蚓八九條搗爛和酒濾去滓飲之  
其滓塗疔四圍留頭出毒氣○大蜘蛛一箇放疔  
上自啞其毒連易三五箇其毒自敗以蜘蛛入  
水不傷蛛命又兼用蜈蚣法方見下○種杏

### 紫金錠

一名萬病解毒丹治癰疽發背諸腫諸瘡疔  
瘡惡瘡一切腫毒方見解毒每取半錠淡酒

化下重者一錠外以凉水調塗患處一日  
數次即效惟已潰出膿血者忌服入門

### 返魂丹

治十三種疔瘡危惡者雄黃白礬枯冬二錢  
朱砂膽礬各一錢半蟾酥血竭銅綠各一錢

輕粉沒藥乳香各五分麝香一字蝸牛生不拘多  
少右為末以蝸牛蟾酥研爛和丸芡實大每一丸  
令病人先嚼蔥白三寸許放在掌心將藥丸裹在  
蔥內以熱酒一盞吞下煖處臥汗出為效。內經  
日汗之則瘡已蓋此藥  
能化毒為汗也 瑞竹

### 一捻金

治疔疽即賽命丹 方見上 為末每服二三分  
溫酒調下如服賽命丹後毒未盡起再用此

藥催之服此藥後  
身涼者即灰入門

### 神效奪命丹

治疔瘡惡瘡及破傷風昏沈危急者朱  
砂三錢半為末輕粉血竭各二錢枯白

礬蟾酥各一錢銅綠一字蝸牛二十箇右末用初  
男乳汁和丸梧子大朱砂為末患人自嚼生蔥白  
數根吐出裹藥一丸以溫酒吞下如吐逆  
以熱酒壓下遍身汗出毒氣自消 丹心

### 蟾酥丸

治疔瘡惡瘡無名腫毒朱砂雄黃各三錢麝  
香一字右末端午日取蟾酥和丸黍米大蔥

酒下三  
丸醫鑑

### 五聖湯

治疔疽皂角刺一兩大黃金銀花甘艸各五錢黃瓜萋一箇右剉酒二升同煎至八分溫服入門

### 還魂散

治疔瘡及癰疽能令內消去毒化為黑水從小便出萬無一失知母貝母白芨半夏天花粉皂角刺乳香金銀花穿山甲各一錢右剉作一貼好酒一碗同煎至半碗去滓乘溫盪服將渣搗爛加芙蓉葉一兩蜜水和付瘡上如乾以蜜水潤之過一宿自消 醫鑑

### 千金消毒散

治疔瘡發背一切無名惡瘡腫毒初發脉洪數弦實欲作膿者當歸金銀花各二錢大黃芩硝連翹黃芩赤芍藥各一錢皂角刺牡蠣天花粉各五分右剉作一貼酒水各半煎服 同春

# 迴瘡錠子

治疔疽神效。州烏一兩，巴豆肉七箇，蟾酥

錠子先鍼瘡頭至痛，見血用此錠，維入以膏藥貼之。重者於瘡四圍維之二三日，疔根自拔出。精義

○一名迴生

錠子丹心

# 碧霞錠子

治疔瘡及惡瘡，不覺痛。銅綠一兩，礞砂二錢，蟾酥一錢，右末飯和作錠子，先鍼刺疔

心出血，以錠子維之，厚膏貼之。精義

# 迴瘡蟾酥錠子

治疔瘡。天南星、欬冬、花巴豆、肉黃丹、砒礞各一錢，獨活五分，斑貓七箇，右

細末，用新蟾酥和勻，如黍米大作錠子，先以鍼刺疔頭，有血出，下錠子以膏藥貼之，膿出自差。精義

# 飛龍奪命丹

治疔瘡及惡瘡。朱砂三錢，砒礞一錢，半

麝香一錢，二分，半南星，半夏各一錢，斑貓十一箇，去足翅，巴豆十二箇，去皮油，右為末，蟾酥汁和丸。



紅豆大五分內取一分加入斑猫四箇然後捻成  
錠子如小麥大先用鍼刺疔心下錠子用飯糰紙  
封口用前四分內一丸噙  
在舌上凉水送下 丹心

### 雄黃丸

治同上雄黃鬱金皂角全蝎各一錢巴豆肉  
十四箇麝香少許右末滴水為丸菉豆大茶

清下二十丸正傳

### 化毒丸

治同上朱砂礪砂雄黃各一錢龍腦麝香各  
五分輕粉一字蟬蛻二十枚右為末蟾酥和

丸菉豆大每用一丸放  
於舌上取涎而愈 正傳

### 二活散

治疔瘡羌活獨活當歸烏藥赤芍藥金銀花  
天花粉連翹白芷甘州節各二錢紅花蘇木

荆芥蟬蛻乾葛各一錢半檀香一錢  
右為末每三錢蒼耳煎湯調下 正傳

### 獨蟾丸

治疔瘡及一切惡瘡蟾酥取得丸如菉豆大  
一蟾或作一丸多者作二丸每取一丸置舌

上臥片時其苦水滿口即嚥下或鍼刺  
疔頭納一丸於中紙貼護之神效 正傳

### 保生錠子

治疔瘡蟾酥二錢雄黃二錢為末用青桑

皮生者二兩同搗如泥六分重捻作錠子  
朱砂為衣陰乾以冷蔥湯磨服八分仍用冷蔥湯

吞下外用鍼刺疔頭將錠子挿入被蓋出汗二日  
爛出即愈體虛清貴人及婦  
女胎前後毒淺者最宜 入門

### 神仙解毒丸

治疔瘡魚臍瘡諸般惡瘡初發白礬不  
以多少熔化作丸如菉豆大朱砂為衣

每十丸蔥白煎湯送  
下一服立消 醫鑑

### 金銀白芷散

治疔疽金銀花二錢皂角刺一錢半黃  
芪當歸白芷甘艸各一錢檳榔川芎防

風天花粉各五分右為末分三貼每  
取一貼酒水各半煎連渣服 正傳

### 四聖旋疔散

治疔瘡生於四肢勢微者先用醋調此  
未塗疔上次服托裏之藥其疔自出巴

四 豆肉五分 輕粉 礪砂 白僵蠶 各二錢 半 右為細末 醋調用之 精義

**癰疽雜證** 有癰疽煩渴 有癰疽嘔逆 有癰疽痰盛 有癰疽寒熱 有癰疽作痛 有癰疽泄瀉

**癰疽煩渴** 熱毒方盛 或發大渴 此乃毒氣攻心 令舌乾煩渴 但用補心氣藥 內補即止 消子

癰疽發渴 乃氣血兩虛 八物湯 方見虛門 加黃芪 麥門冬 山茱萸 五味子 同春 加減八味丸 方見

虛門 治癰疽渴疾 晉尾通用 最佳 老人尤宜 得效 一湯 金銀花散 五味子湯 忍冬

丸 忍冬湯 二方見下 選用 諸方

**癰疽嘔逆** 未潰時嘔者 當作毒氣上攻 治之 潰後當 作陰虛補之 若年老人 潰後嘔不能食 宜

參苓白朮膏 方見內傷 補之 河間謂瘡瘍嘔者 溼 氣侵于胃也 宜倍白朮 丹心 癰疽及疔瘡惡瘡

毒氣攻心 則多嘔逆 宜乳粉托裏散 生上甘桔湯 食不能下 服藥而嘔 六君子湯 方見 門 加木

香縮砂 回春○或用

獨參湯即愈 丹心

### 癰疽痰盛

癰疽生痰有二一者胃寒二者鬱熱俱宜  
二陳湯或榮衛返魂湯 方見上 加南星半

夏入門

○痰盛喘急六君子湯加薑棗煎服或補

中益氣湯

方見內傷

加麥門冬五味子桑白皮煎

服回春

### 癰疽寒熱

癰疽未愈之間先嘔痰而寒熱汗出而止  
或連日或間日宜服加味不換金正氣散

得效

○癰疽虛證寒戰明乳香研細半兩每一錢

熟水調下戰發於肝乳香著肝而溫之寒戰隨止

宜指

### 癰疽作痛

癰疽不可不痛亦不可大痛未潰前痛者  
為熱毒便祕者內疎黃連湯 方見上 膿脹

痛者鍼之已潰膿出而反痛者虛也

入門

○癰疽

寒熱虛實皆能為痛若熱毒之痛以寒涼之劑折

其熱若寒邪之痛以溫熱之劑熨其寒虛而痛者  
補之實而痛者瀉之精義○膿潰之後反痛者虛

也宜補之穢氣所觸者宜和解之風冷所逼者宜  
溫散之補者當歸黃芪之類和解者乳香芍藥之

類溫散者防風桂枝之類綱目○膿血既泄腫痛  
尤甚人參黃芪湯或十全大補湯方見虛門加麥

門冬五味子同春○止痛當  
歸湯二仙散香靈散選用

**癰疽泄瀉**  
煎湯調下加味不換金正氣散佐之直指

○腹痛泄瀉咳逆昏憤急用托裏溫中湯  
或用六君子湯方見痰門加炮附子同春

**清臙竹葉湯**  
治癰疽煩渴竹葉升麻黃芪蜜炙瓜蔓  
根麥門冬各一錢生地黃黃芩赤芍藥

人參知母白茯苓甘州炙各七分半  
右剉作一貼入棗二枚水煎服義

**竹葉黃芪湯**  
治癰疽惡瘡發渴竹葉生地黃各一錢  
半黃芪麥門冬當歸川芎黃芩赤芍藥

人參半夏石膏甘州各七分半右  
剉作一貼入薑五片水煎服入門

### 人參黃芪湯

治癰疽潰後少食不眠煩熱黃芪蜜炙  
人參白朮各一錢升麻六分陳皮蒼朮

麥門冬當歸神麴甘州各五分黃  
柏四分右剉作一貼水煎服入門

### 黃芪六一湯

治癰疽煩渴黃芪蜜炙六兩甘州炙一  
兩右剉每三錢入薑三棗二煎服此藥

大治渴疾常服可免癰疽之患得效  
○一方黃芪

六兩半生用半鹽水潤蒸三次粉州一兩半生半

炙右末每二錢

白湯點服精要

### 金銀花散

治同上金銀花四兩甘州炒一兩右  
麤末分三貼水酒相半煎服衛生

### 五味子湯

癰疽口燥舌乾此腎水竭也此藥治之五  
味子黃芪生人參麥門冬甘州各一錢右

作一貼水煎日

服三五次精要

# 乳粉托裏散

治癰疽惡瘡毒氣攻心迷悶嘔吐喉舌生瘡名曰心氣絕初起宜服此藥最能

返出毒氣不致內陷菘豆粉四錢乳香一錢右為

末每二錢甘州湯調時時呷下一方新水調服入

門。一名內托散一名護心散一名內托香粉散

綱目。一方癰疽疔瘡惡瘡須服此預防毒氣攻

心菘豆粉四兩乳香一兩朱砂三錢右為末

每二錢甘州湯調下名曰乳香護心散丹心

# 生薑甘桔湯

治癰疽毒氣上衝咽膈窒塞嘔吐不已桔梗一兩甘州生薑各五錢右剉并

水煎服

直指

# 加味不換金正氣散

治癰疽寒熱往來或挾風邪或內氣虛餒蒼朮橘紅半夏麩藿

香葉厚朴各一錢二分半甘州炙一錢白茯苓川

芎各七分半木香五分右剉作一貼入薑五棗二

水煎服

直指

止痛當歸湯

治癰疽穿潰疼痛人參黃芪當歸白芍藥生地黃官桂甘州各一錢右麤末水

煎服日三  
精義

二仙散

治癰疽疼痛不可忍白芷未潰用二兩貝母已潰用五錢右剉每七錢半作一貼酒水相

牛煎服醫鑑

香靈散

治癰疽腹痛辣桂二錢半木香白芍藥五靈脂各一錢二分半右麤末每三錢入薑棗煎

服直指

托裏溫中湯

治癰疽腸氣下商腹痛泄瀉咳逆昏憤附子炮二錢乾薑羌活各一錢二分半

甘州炙一錢益智丁香沈香木香茴香陳皮各五分右剉作一貼入薑五片水煎服入門

癰疽通治藥

千金漏蘆湯五香連翹湯仙方活命飲升陽益胃散千金內消散仙傳化毒湯榮衛



返魂湯紫金錠賽命丹淵然真人奪命丹飛龍  
奪命丹忍冬丸忍冬酒忍冬湯皆可選用 諸方

### 千金漏蘆湯

治五發癰疽及疔瘡內疽一切熱毒惡腫皆治之 方見上

### 五香連翹湯

癰疽瘡癤癰癧結核乳癰內疽一切惡瘡毒腫皆治之 方見上

### 仙方活命飲

一切癰疽惡瘡毒腫皆治之內外諸證並治排膿止痛消毒之聖藥也 方見上

### 升陽益胃散

五發癰疽及內外一切惡瘡毒腫皆治之 方見上

### 千金內消散

五發癰疽及背癰內疽一切惡瘡毒腫乳癰腸癰便毒皆治之 方見上

### 仙傳化毒湯

癰疽發背內疽乳癰一切無名腫毒皆治之 方見上

### 榮衛返魂湯

凡氣血逆於肉理令癰結為癰疽毒腫此藥大能順氣勻血調和榮衛通治一

切諸癰  
方見上

紫金錠

治內外癰疽惡瘡疔瘡無名毒腫乳癰便毒方見上

賽命丹

治內外癰疽發背疔瘡乳癰魚口便毒一切無名毒腫惡瘡方見上

淵然真人奪命丹

五發癰疽發背疔瘡惡瘡無名腫毒皆治之方見上

飛龍奪命丹

治五發癰疽發背疔瘡惡瘡乳癰附骨疽一切無名腫毒方見上

忍冬丸

通治一切癰疽諸瘡消渴後發疽尤宜服此忍冬艸不以多少根莖花葉皆可用右入瓶

內好酒浸以糠火煨一宿取出晒乾入甘艸少許搗為細末以所浸酒打麪糊和丸梧子大每服百

丸酒飲任

下精要

忍冬酒

治一切癰疽惡瘡背癰乳癰不問發在何處初發便當服此百發百中忍冬藤生取一把

以葉入砂盆研爛入酒少許調和塗付四圍中心置一口又取五兩槌碎甘艸生一兩剉入砂瓶內

水二碗文武火煎至一碗人好酒一大碗煎  
數三沸分三服田父野老最宜服此

### 忍冬湯

治一切癰疽內發外發乳癰腸癰常服托裏  
消毒或加黃芪當歸各二兩尤妙方與上忍

冬酒方

同人門

### 癰疽鍼法

鍼鍼者末如劍鋒以取大膿  
之息者宜以鍼開除去之註云息與瘰同

肉也內經○癰疽成膿以馬嚼鐵作鍼形如韭菜

兩面皆利可以橫直開裂以取膿血精要○癰疽

如椒眼數十粒或如蜂窠蓮房而膿出痛不除宜

以鍼鍼橫直裂之則毒血挾膿出而愈綱目○癰

疽住膿若不鍼烙毒氣無從而解膿瘀無從而泄

過時不鍼烙反攻其內欲望其生豈可得乎精義○凡近筋

薄惟用鍼以決其膿血不可烙也精義○凡近筋

脉骨節處不得亂行鍼烙○癰疽皮厚口小膿水

出不快者宜用鍼烙精義○大抵用鍼只欲引

膿出如鍼刺無膿是氣伏也不可用鍼烙精義

# 琪鍼法

癰瘡初發漸大以溼紙一片搭瘡上其一點  
 筆管一箇安於正頂上卻用大水蛭一條安其中  
 頻以冷水灌之蛭當吮其正穴膿血皮皺內自是  
 毒散無不差如毒大蛭小須用三四條方見效若  
 吮著正穴蛭必死用水救活累試奇效如血不止  
 以藕節上泥塗之得效○琪鍼一法可施於輕小  
 證候若癰疽大毒積在藏府徒竭其血於外無益  
 也丹心

# 癰疽烙法

或問烙法何如曰膿或汪洋欲出奈何皮厚  
 肉深難穴者不用烙以開竅脈膿何由出○  
 膿本肉腐所成皆挾毒熱之氣若久留肉腠間則  
 毒氣浸淫好肉亦化為膿腐此所以烙法有功乎  
 潰瘍也滑于○癰疽成膿宜烙可用銀篋大二分  
 長六寸火上燒令赤急手熨烙毒上得膿為效精  
 ○近代良醫只以金銀鐵錠其樣如鍼者以木  
 炭熟火猛燒通赤蘸油烙之尤妙隨鍼烙出膿者

順也如膿不出實者然髮為絛虛者以紙為絛於  
絛上蘸藥絛入鍼孔引出膿毒如腫不退疼不除  
急服排膿托裏湯藥以助其勢○膿色黃  
自即好若赤黑色防後有鮮血出精要

# 癰疽灸法

凡癰疽之發或因內有積熱或因外寒鬱內  
熱若於生發之處艾灸以散其毒治之于早

可以移淡為淺改重為輕諸項灸法皆好惟騎竹

馬灸法方見鍼灸尤為切要此消患於未形之策

丹心○癰疽已覺微漫腫硬及不變色脈沈不痛

者當外灸之引邪氣出而方止經曰陷下者灸之

如外微覺木硬而不痛者當急灸之是邪氣深陷

也淺者不可灸如有膿水亦不可灸當鍼之保命

○癰疽初覺腫痛先以溼紙覆其上視之先黃處

是頭也大蒜切片安頭上以大艾炷灸之二壯即

換一蒜痛者灸之不痛不痛者灸至痛乃止大槩

以百壯為準最要早覺早灸為上如有頭則不必

紙覆也三四○若十數頭作一處生者即用大蒜

研成膏作薄餅鋪頭上聚艾于餅上灸之三四○

初發小點一二日急以蒜片貼其中心以小艾炷灸五壯而止直指○始發一二日十灸十活三四

日六七活五六日三四活綱目○灸法所以暢達

拔引鬱毒此從治之意也譬如盜入人家必開門

逐之使出萬一門不開無從而出必傷主乃已綱

目○頭為諸陽之會若有發宜灸艾炷宜小壯數

宜少三五壯而已腹背則多灸為效精要○多灸

則內服乳粉托裏散防火氣入心丹心○有善治

癰疽者皆於瘡上灸至二三百壯無有不愈但艾

炷小作之小則人不畏灸灸多則作效必矣資生

○隔蒜灸法豆豉餅灸法桑枝灸法附子灸法硫

黃灸法土饑灸法並治癰疽惡瘡腫毒詳見鍼灸

### 艾灸治驗

一人發背醫療逾月勢益甚有張生者教

以艾火灸其上至一百五十壯知痛乃止

明日鐻去黑痂膿盡潰肉理皆紅不復痛乃以膏

藥貼之日一易易時剪去黑爛月餘乃平復本事

### 灸石癰法

堅硬不潰名曰石癰賞上灸百壯石子當碎出資生

東... 卷... 七...

灸發顛法

此瘡最險頭面腫大牙齒亦脫解開頭髮尋頂際中灸二十一壯如不達灸至四一

凡壯而止直指

灸疔疽法

大蒜爛搗成膏塗瘡四圍留瘡頂以艾炷灸之以爆為度不爆難愈灸百壯無不愈

正傳

灸便毒法

用細艸隨患人左右手量中指自手掌盡處橫紋量起通三節至指盡則住不量爪

甲切斷卻將此艸於手腕橫紋量起引艸向臂當

中州盡處即是穴艾炷如麥大灸二三壯腫散痛

止即安得效

調理及禁忌法

癰疽患時將理法避風邪。少睡臥。勿驚憂。勿瞋怒。徐行動。省言語。

戒鬪房。絕思慮。防觸穢。聽好事。瘡頻洗。藥常助。鹽葷聞香。二便順序。擇飲食。

內充無飢飽失度。○付藥運掉屈伸瘡口常加愛

護。○妄用惡艸愈滋其毒。○不忌飲食反害其瘡

直指。○惡肉去盡瘡口收斂欲平之際尚忌起立

行步揖待賓客酒肉宴會驢怒沐浴勞動等事直

待瘡痂平復精神如故氣力完全方無所忌百日

內慎勿觸犯。精義。○癰疽最宜節慎飲食其熱毒

方盛或發大渴多飲冷水及水漿之類此乃毒氣

攻心令口乾煩渴但以心氣藥內補藏府即止矣

丹心。○凡癰疽勿食羊雞牛鵝魚麪煎燂炙炒法

酒等味犯之必發熱蓋厚味能引起宿火之熱此

誠富貴參養口腹者所宜謹守若冬寒與虛老人

寧無權法乎略加滋味以補胃氣庶易收斂。丹心

○膿潰之後氣血虛弱則可食羊肉鵪鶉蔓菁蘿

蔔薑醬瓜萍稀粥軟飯若肌肉漸生思想滋味則

宜食白熟酥餅薑粥羹湯熟軟溫和勿令大飽。精

義。○諸痛痒瘡瘍皆屬於心如茯苓茯神遠志益

智石菖蒲等輩須當佐助於其間抑使病人不得

憂恐瞋怒勞精疲神有觸於心尤關利害。直指。○



背疽之人難於隱凡用棗豆十餘斗作一大袋隱伏則自然心涼身安精要○瘡瘍面赤雖伏火熱

禁不得攻裏空發表以去之○瘡瘍鬱東垣冒俗呼昏迷慎不可下汗之則愈

單方 凡三十七種 有陶潛膏

朱砂雄黃 古之瘍醫以五毒攻瘍中物也凡解瘡毒不可無雄黃朱砂本艸○朱砂雄黃膽礬

白礬磁石置瓦盒中火煨三日夜其烟上著蓋中以雞羽掃取之以注惡瘡則惡肉附骨膿血即潰

出而愈此五毒也入門

伏龍肝 諸癰疽發背一切腫毒以雞子黃和塗之或醋調或大蒜同研貼之並佳本艸

煉石 諸惡腫及發背取石子火燒赤醋淬一餘度取屑為末醋調塗之即愈此造磨礱尋常石也本艸

甘菊 治癰毒及疔腫疔上亦效名曰陶潛膏醫鑑○又取莖葉塗疔上亦效名曰陶潛膏醫鑑

野菊花

治疔瘡野菊花菘豆為末酒調飲醉睡覺痛定熱除入門

生地黄

治一切癰腫地黃搗為泥攤布上糝木香末於中再攤地黃泥貼腫上三度差本州

茺蔚莖葉

療疔瘡乳癰及諸毒腫搗取汁飲之滓外付本州

白鳳仙花

治癰疽發背取花連根葉搗爛先以米醋洗患處後付藥一日一換如神回春

薜荔

治背癰取葉爛研取汁和蜜飲數升以滓付瘡上一方細研和酒殺取汁煎數沸服之本州

黃芪

治癰疽久敗瘡排膿止痛濃煎服之東垣

忍冬藤

治一切癰疽腫毒花莖與葉生搗煖酒調服直指

蒼耳

主疔瘡取莖葉燒存性醋調塗疔上當出根加雄黃尤妙。又方蒼耳一握生薑四兩搗取汁

入酒和服治疔毒入

心嘔逆者效入門

**白芷** 治發背乳癰能止痛生肌蝕膿  
○敗膿不去加白芷即去 丹心

**茅鍼** 癰毒惡瘡不作頭酒煎茅鍼取汁服  
一鍼一孔二鍼二孔必穿穴 本州

**大黃** 治癰疽熱毒大黃酒洗剉二錢甘州  
一錢煎服脈實膏梁之人宜服 綱目

**茨菰** 取根莖搗竹屢毒癰上  
即消水煎服亦效 俗方

**槐花** 治百種瘡毒槐花四兩炒香入酒三  
碗煎二三沸去滓盡服即消 入門

**黃桑葉** 癰疽瘡口成大窟不斂經霜黃桑葉  
為末頻糝瘡中或煎湯洗之 本州

**乳香** 止痛長肉令諸瘡內消○凡血滯則氣壅經絡  
滿急而作痛腫乳香能破宿血消腫止痛為瘡

家奇藥  
也 入門

**皂角刺** 治癰疽能鑽引至痛處亦能宣毒  
燒存性為末薄酒調下一錢 綱目

檲木皮

煎湯洗諸敗爛瘡及乳癰諸瘡最佳本州

生龜

刺取血塗癰疽腫毒即消神驗俗方

蜘蛛

治懸癰取大者一箇研爛調服隨病左右側臥良醫林

脂麻油

治癰疽發背毒瘡初作便服使毒氣不內攻麻油煎十餘沸候冷一斤好酒二碗和勻分

五次溫服一日夜服盡此神仙截法直指

雄雀屎

一名白丁香治癰腫已有膿未潰出以醋調雀屎如小豆大付之即穿出膿本州

甜瓜子

主腹內結聚破潰膿血最為腸胃腹內癰要藥為末酒下二三錢本州

蜀葵花

諸癰瘡腫痛不可忍葵花根爛搗貼之立效綱目

葫

小蒜也治癰毒瘡腫叫呼不得臥取獨頭蒜細搗麻油調和厚付瘡上乾則易神效本州

人口中唾

凡癰瘡微有紅頭隱疼者急用不語津唾頻頻塗之自消飲酒了不可用

猪懸蹄

治癰疽潰爛取猪蹄濃煎取清浸洗妙直指

商陸

熨除癰腫付惡瘡。一切熱毒腫毒。陸根和少鹽搗付日一易效

苧根

癰疽發背未成膿者苧根葉熟搗付上日數易腫消即差

醋

消癰腫歌曰發背疔瘡識者稀醋磨京墨透四圍生薑猪膽同塗上天明恰似鬼神移

赤小豆

消熱毒癰腫作末雞子清調塗之即差亦治一切腫毒作痛

芙蓉

治發背瘡癰諸般腫毒及杖瘡芙蓉花及葉並曬乾為末醋調付杖瘡雞白清調日蓮尤佳

荊芥

搗爛和醋付疔腫甚效又水煎取濃汁服之亦可

人屎

癰疽發背欲成取野人乾屎燒存性醋和如泥付腫上乾則易甚良又治疔腫封其上

# 諸瘡

## 大風瘡

脉風成爲癩癩者榮衛熱腐其氣不清故使鼻柱壞而色敗皮膚瘍潰內經。大風之源有三

種五疢一種風水二種傳變三種者自不調攝。

五疢者一日皮疢麻木不仁二日肉疢割切不痛三日血疢潰爛成膿四日筋疢手足脫落五日骨疢鼻梁崩塌眼斷脣翻聲啞。又曰一風者肺受病先落眉毛二風者肝受病面起紫疱三風者腎受病腳底先穿四風者脾受病遍身如癬五風者心受病先損其目。或有墳墓居址風水不吉或父母夫妻家人適相傳染或在外不謹糞坑房室床鋪衣被橋上樹下歇息去處命值委疢凶星遭此惡疾宜服消風散追風散磨風丸兼用洗藥敷藥條然子。大風病是受得天地間殺物之風古人謂之癘風者以其酷烈暴悍可畏也得之者須

分在上在下夫在上者以醉仙散取臭涎惡血於齒縫中出在下者以通天再造散取惡物蟲積於穀道中出所出雖有上下之殊然皆不外乎陽明一經蓋陽明者胃與入腸無物不受乃脾肺二藏之府也脾主肌肉而肺主皮毛乃府及於藏病也丹心○服藥下蟲積後用防風通聖散方見風門調之重者又與換肌散夫上下同得者甚重自非醫者神手病者鐵心窄能免此若遇此疾切須戒鹽及一切口味公私世務悉宜屏去丹心○此疾雖治得愈若不絕味斷慾皆不免再發而終於不救孫真人曰嘗治四五百人終無一人免於死非真人不能治蓋無人能守禁忌耳丹心○初起白屑紫雲如癩風然或有遍身白皮脫落如蛇蛻狀得效○起白屑者白花蛇丸眉鬚落者三蛇丹鼻崩者換朋散補氣瀉榮湯通用凌霄花散加味苦參丸換骨丸大麻風丸紫雲風丸返魂追命再造散烏蛇苦參丸可選用諸方○治癩以蒼耳葉為君夏以酒煮烏蠱魚代蛇補之或缺為末糊丸梧

子大茶清下七八十九夏入紫萍尤捷數月而安  
丹心。服藥瘳後終身不得食牛馬驢騾等肉犯

者復發必  
灰得效

### 消風散

第一日服白芷全蝎人參各一兩右為末每  
二錢勿食晚飯次日空心溫酒調下身上微

燥為效  
類聚

### 追風散

第二日服瀉血追蟲錦紋大黃六兩鬱金蟬  
肚者一兩八錢炒皂角刺一兩半右為末初

服五錢或六錢入大風油一錢半朴硝少許入內  
好溫酒一椀調化五夏空心服之直待辰時又如

前調藥一椀入熟蜜少許勿令患人知先以水盥  
漱淨然後服藥必以蜜解口切不可臥良久痛瀉

數次不妨以薄粥補之。此藥老弱者難治五十  
以下者可治精壯者十日內三服謂如正月初一

日服消風散初二日服追風散初三日服磨風  
丸又如此周而復始瘦弱者十日內一服  
類聚



# 磨風丸

第三日服日進二次當歸羌活獨活川芎天麻細辛防風荆芥威靈仙麻黃何首烏蔓荊

子牛蒡子車前子皺面艸即蒺藜也蒼耳艸各一

兩右晒乾為末酒麪糊和丸梧子大溫酒下五七

十九日二服仍用後

藥熏洗類聚付

# 洗藥

治滿身瘡爛地骨皮荆芥苦參細辛各二兩右剉以河水煎用大桶盛浸浴熏洗通身出血為

效類聚

# 敷藥

治瘡爛遍身黑狗脊即貫衆也寒水石硫黃白礬枯各二兩蛇床子一兩朴硝五錢右為末臘

猪脂調付妙類聚

# 浴法

治遍身癩瘡桃柳桑槐楮五般枝多水濃煎湯盛大桶浸坐沒頸一日候湯如油安矣正傳

# 醉仙散

治大風癩瘡胡麻牛蒡子桐子蔓荊子各一兩同炒白疾藜苦參瓜萸根防風各五錢

右細末每十五錢末入輕粉二錢拌勻每服一錢  
茶清調下晨午夕各一服後五七日先於牙縫內  
出臭黃涎渾身疼痛悶如醉然後利下膿血惡臭氣  
病根乃去矣 丹心 ○服此藥時須斷鹽醬醋諸般  
魚肉油膩燒炙之物只吃淡粥及煮熟時菜并  
烏蛇白花蛇淡酒煮熟食之以助藥力 丹心

### 通天再造散

治同上皂角刺黑大者一兩半大黃煨  
一兩白牽牛頭末三錢炒三錢生鬱金

五錢右為末每二錢或三錢早晨面東好酒調下  
當日利下惡物或膿或蟲 入門 ○服藥後泄出蟲  
視其色如蟲黑色乃是多年赤色是為近年三四  
日後又進一服直候無蟲乃止後取防風通聖散  
方見風門 加苦參天麻蟬蛻  
煎服調理痛斷滋味 丹心

### 換肌散

治大風年深毛脫鼻塌深重者取效如神烏  
蛇白花蛇地龍各一兩當歸細辛白芷天麻

蔓荊子威靈仙荊芥穗甘菊苦參紫參沙參木賊  
不灰木甘艸炙白蒺藜天門冬赤芍藥赤箭何嘗

烏石菖蒲胡麻子艸烏蒼朮木鼈子川芎各三錢  
半右為末每五錢溫酒調下酒多為妙其中紫參  
不灰木雖無不妨正傳

### 補氣瀉榮湯

治癩風先殺瘡上令惡氣消盡後服此  
藥連翹升麻各六分桔梗五分黃芩生

地黃各四分黃芪蘇木黃連地龍全蝎當歸各五  
分白豆蔻人參各二分甘艸一分半胡桐淚一分  
麝香少許桃仁三箇為泥蜜炒水蛭炒各三箇  
為末右剉除胡桐淚麝香蜜蟲水蛭另末外都作  
一貼水二盞酒一盞煎至一盞去滓人細  
末藥煎至七分早飲後午飯後服之東垣

### 凌霄花散

治癩風神效蟬殼地龍炒白僵蠶全蝎炒  
各七箇凌霄花五錢右為末每二錢熱酒

調下丹心

### 加味苦參丸

治大風瘡苦參四兩防風荆芥蒼耳子  
胡麻子皂角刺各二兩半蔓荊子牛蒡

子枸杞子何首烏禹餘糧蛇床子各七錢半白芷  
四錢右為皂角煎膏和丸梧子大茶清或酒下  
五十九丸  
入門

### 換骨丸

治癩風苦參浮萍各一兩半大黃槐花白芷  
川芎各一兩二錢半蒼朮一兩乳香沒藥沈

香木香各三錢麝香五分右為末以麻黃五斤煎  
膏和丸彈子大每一丸溫酒化下忌風二三日入

### 大麻風丸

治大麻風初起遍身瘡點五色不知痛痒  
麻木證苦參一斤羌活獨活白芷白藜白

蒺藜天花粉何首烏各一兩三錢皂角刺當歸各  
二兩七錢右為末別用皂角一斤剉水煎五日去

滓熬膏和丸溫  
酒下百丸 入門

### 紫雲風丸

治癩初起如紫雲癩風或發紫血疱瘡何  
首烏四兩五加皮白殭蠶苦參當歸各二

兩全蝎一兩半惡實羌活獨活白芷細辛生地黃  
防已黃連赤芍藥蟬退防風荆芥蒼朮各一兩右

為末酒糊和丸梧子大溫酒或米飲下七十丸入門

### 返魂追命再造散

治大風癩皂角刺一兩半大黃一兩右為末每二錢冷酒調下瀉蟲

出直指。一方治大風勢重不可救者皂角刺一

二斤九蒸九晒研為末食上濃煎大黃湯調下一

錢一旬鬚髮再生肌膚悅潤

眼明倍常其效如神本劑

### 烏蛇苦參丸

治癩風及惡癬苦參一斤半烏蛇肉八兩石菖蒲四兩右為末蜜丸梧子大茶

清下百

丸集成

### 愈風丹

治癩疾深重一名三蛇丹治大風髮脫眉落遍身麻木瘡爛烏蛇白花蛇土桃蛇各一條

並酒浸三日取肉為末苦參一斤剉擣取頭末四

兩皂角濃煎汁熬膏和丸梧子大以防風通聖散

煎水吞下五十

丸日二入門

白癩瘡

癩風初起白屑剝落又一種每朝瘡上退白皮一升許如蛇蛻宜服解毒雄黃丸方見咽喉兼

服白蛇丸得效

白花蛇丸

治癩風白屑瘡疥皮膚發燥白花蛇一條當歸二兩川芎白芷生地黃防風荆芥酒

本連翹胡麻子何首烏升麻羌活桔梗各一兩右為末將浸蛇酒和水煮麪糊和丸梧子大茶清下

丸五七入門

白花蛇酒法

治大風癩瘡白花蛇一條先蒸糯米二斤缸底先安酒麪次將蛇以絹袋盛之

頓於麪上然後以糯飯和勻頓於蛇上以紙封缸口候三七日開取酒將蛇去皮骨焙乾為末每溫

酒一盞調蛇末一匙服之仍以酒脚并糟做餅食之烏蛇釀酒法亦同上本州

鍼法

癩風者素刺其腫上已刺以銳鍼鍼其處按出其惡氣腫盡乃止常食方食無食他食靈樞○病大

風骨節重鬚眉墮名曰大風刺肌肉為故汗出百

日刺骨髓汗出百日凡二百日鬚眉生而止鍼穴名

經○癩風以三稜鐵看肉紫黑處及委中穴名

紫脉出死血但不可令出太過恐損真氣正傳

# 天庖瘡

一名楊梅瘡與癩大同多由肝脾腎風溼熱之

者屬心多生乳脇○形如蠶絲黃豆者屬脾多生

滿面○形如細花者屬肺多生毛髮○形如紫蒲

荀按之緊痛者屬肝腎多叢生於尻醫兩陰筋骨

之處○形如魚庖內多白水按之不緊者謂之天

庖瘡乃此類之輕者入門○初起即服防風通聖

散一貼去麻黃以去內毒再用一貼去毒發汗

以去外毒以後用加減通聖散丸多服之此方為

管尾要藥輕者一劑重者十貼後宜服化毒散三

日御用吹藥三日瘡乾欲落再服化毒散三

日後量用通聖散入門○失治久則風毒流

入經絡而成頑癬或氣血虛敗而成漏或誤服水

銀輕粉而成風堆腫爛流膿出汁病至於此治之

為難亦有蝕傷眼鼻腐爛玉莖拳攣肢體與癩無

異入門○初起宜服消風敗毒散加減通聖散加

減通聖丸從卍皮起者裏熱發於外速服防風通

聖散方見風門○成頑癬者宜皂根丸○成腫塊

者宜仙遺糧丸西聖復煎丸消腫遺糧湯○筋骨

痛宜香鱧湯通仙五寶丹仙遺糧湯換骨散回生

保命丹茯苓湯○成漏宜象牙丸○通治宜用活

魂丹木硃丸六六丸天庖丸三黃敗毒散取輕粉

法○外治宜洗方搽方熏鼻方吹藥方

照藥方減癧法禁忌法鵝掌癬治方

### 加減通聖散

治楊梅瘡初起牛蒡子一錢二分防風

花五分梔子仁當歸尾各七分荆芥槐花各六分

白僵蠶甘艸各四分右剉作一貼水煎服入門

### 加減通聖丸

治同上即前方共半斤再加苦參半斤

右為末酒糊或蜜和丸梧子大酒飲任

下七十丸入門



化毒散

治楊梅瘡重者生大黃一兩 解熱毒 穿山甲  
五錢 解毒 白僵蠶三錢 去風 蜈蚣一條 去毒

當歸尾五錢 破血 右為末每

二錢溫酒調下日二服 入門

消風敗毒散

治天庖楊梅瘡初起當歸尾川芎赤芍

黃柏連翹防風各八分羌活金銀花甘艸各五分

蟬殼二箇初服加大黃一錢芒硝一錢半 利下惡

用右剉作一貼

水煎服 四春

皂根丸

治楊梅瘡成頑癬當歸二兩黃芪一兩半人

右為末蜜丸梧子大土

茯苓湯下五十丸 入門

仙遺糧丸

治楊梅瘡後腫塊成癰土茯苓一斤防風

鮮皮皂角刺各五錢白芥子四錢當歸身七錢右

為末蜜丸梧子大酒飲任下五七十九丸或浸酒服

忌生冷雞豬魚  
煎炒等物入門

### 西聖復煎丸

治楊梅瘡後腫塊經年破而難愈百方不效用此如神乳香沒藥孩兒茶丁香

各一兩白花蛇阿魏血竭各四錢俱為末白麩炒

一斤蜂蜜六兩煉香油四兩煎熟大棗二十枚去

皮核右和勻搗千杵丸如彈子大每一丸土茯苓

二兩木二梳煎至一梳入藥丸再煎至半去渣溫

服回春

### 消腫遺糧湯

治楊梅瘡後腫塊土茯苓十五兩木通

白鮮皮皂角刺各五錢白芥子炒研四錢當歸身

七錢右剉分作二十貼每一貼水煎服朝夕兩服

丹心

### 香鱧湯

治楊梅瘡毒筋骨疼痛茜根麻黃烏藥細茶  
槐花炒川椒各五錢魚鱧三錢以脂麻同炒

成珠乳香一錢右剉分作二貼每一貼  
薑蔥各五水煎服二三貼即愈 同春

### 通聖五寶丹

治楊梅天庖綿花等瘡潰爛見骨或筋

癰或皮破肉爛口臭難當一切頑瘡惡毒並皆治

之鍾乳粉三分丹砂二分琥珀片腦各二釐真珠

二釐半右細末每服五釐另入飛白霜二分半炒

過合作一貼每日取土茯苓一斤水煎取汁十碗

以湯一碗入藥一貼攪勻晨服其茯苓湯須一日

服盡不可別用湯水服一料即愈神驗乃治楊梅

天下古今第一仙方也 同

春。飛白霜疑是輕粉

### 仙遺糧湯

治楊梅風毒或誤服輕粉以致癱瘓筋骨

疼痛毀肌傷骨者服此除根永無後患土

茯苓七錢 淫者一兩 防風木瓜通薏苡仁白鮮

皮金銀花各五分皂角刺四分右剉作一貼水煎

日三服 入門

換骨散

治天疱瘡筋骨疼痛上扶苓四兩皂角刺一兩

兩乳香沒藥各一錢半右剉分作十貼每取一貼水三椀煎至一椀分二次服之 醫鑑

回生保命丹

治楊梅天泡頑瘡及輕粉毒筋骨腫痛不拘新久皆效

分朱砂四錢川芎白芷雄黃各三錢當歸炒二錢丁香血竭孩兒茶各一錢乳香沒藥各五分牛黃四分右為末棗肉入米粉打糊和丸黍米大用土茯苓一兩牙皂半箇同煎湯吞下日三服 醫鑑

茯苓湯

治遠近楊梅天泡瘡毒甚至腐爛肌肉膿汁流出臭不可聞痛不可忍

瓜白芷當歸尾黃柏生地黃牛膝白芍藥防風各一兩皂角川椒紅花各五錢甘艸節羌活各七錢金銀花二兩土茯苓四兩右剉分作十五貼每一貼水煎服日三次 醫鑑

象牙丸

治楊梅瘡成漏象牙三錢龍甲猬皮並燒各一箇右為末棗肉和丸櫻桃大每一丸空心

以童尿化下茶清亦可七日後取  
三味末猪膽汁調付瘡上入門

### 活魂丹

治楊梅天庖瘡潰爛喉穿鼻崩膿血淋漓血  
竭乳香沒藥銅綠白礬枯黃丹穿山甲煨焦

各一錢輕粉蟾酥各五分麝香一字右細末蝸牛  
研如泥和丸菘豆大每一丸重者二丸細嚼葱白

裹藥熱酒送下空心正傳

### 水硃丸

治年久楊梅頑瘡不愈者水花硃即輕粉也  
一錢枯白礬朱砂各一錢半右為末用全蝎

酒煎膏和勻分作六丸分三日服以  
手肉鯉魚等湯送下九日全愈入門

### 六六丸

治天庖楊梅瘡輕粉一錢三分黃丹八分朱  
砂雄黃各五分乳香麝香各三分右為末糯

米糊和勻分作六丸每  
日茶清下一丸治死方

### 天庖丸

治同上輕粉一錢半朱砂雄黃陳石灰各半  
錢右為末陳米飯和丸菘豆大每三丸茶清

吞下  
此方

### 三黃敗毒散

通治天庖楊梅等瘡防風荊芥連翹白芷當歸赤芍藥黃芩黃連梔子地骨皮

五加皮白鮮皮木瓜苦參蟬退金銀花薏苡仁白

蘆薈皂角刺黃柏白蒺藜川芎部倍用木通下

部倍用甘艸各一兩土茯苓一斤半右劉分

作二十五貼每取一貼水煎服日二醫鑑

### 取輕粉法

取出腹內輕粉之毒可免後患用開口川椒每空心以土茯苓煎湯吞下三十粒即

利輕粉於椒內從大便出洗起川

椒服至椒內無輕粉乃止入門

### 仙遺糧

善治久病天庖楊梅癰漏及曾誤服輕粉肢體廢壞筋骨疼痛者能收其毒而祛其風補

其虛。右一藥不蜜九梧子大川椒煎湯吞下

五十九鼻崩眉落筋緩骨拳者皆效但初起肺熱

便祕者勿

服入門

一方

治楊梅天庖諸瘡香油二斤入水一盞煎至白烟起收貯每用黃酒一鍾入油一盞溫服日三

次服盡全愈。又方鴨一隻餓二日只與白水飲

之用輕粉一兩瘦米飯四兩拌勻喂鴨待吃盡以

葦根棧碎泡木令鴨飲之解去輕粉

之毒待鴨毛落盡煮鴨食之種杏

洗藥方

治楊梅瘡爛防風蒼耳子地骨皮荆芥苦參細辛各三兩剉以河水煎盛大桶浸浴熏洗

通身出汗出血為效醫鑑。又方苦參蛇床子白

礬荆芥濃煎湯浸洗得效。又桃柳桑槐楮濃煎

湯浸浴亦

佳入門

搽藥方

治楊梅天庖遍身瘡爛杏仁十四枚鉞桃火

上燒半生半熟輕粉一錢片腦二釐為末猪

膽汁或香油調搽入門。又野菊花棗木根煎湯

洗後防風通聖散同蚯蚓糞為末略炒蜜調付之

極妙入門。又用干

金散麝香輕粉散

# 千金散

治楊梅瘡爛乳香沒藥血竭雄黃杏仁各二錢輕粉孩兒茶白礬枯各五分膽礬三分麝

香二分右為末先以猪

膽汁洗瘡後糝上 醫鑑

# 麝香輕粉散

治天庖瘡爛及諸惡瘡白礬乳香各一兩輕粉五錢麝香半錢右為末每取少

許糝付之 治瘡方

# 熏鼻方

治楊梅天庖瘡熏鼻甚奇黑鉛水銀各一錢朱砂乳香沒藥各五分血竭雄黃沈香各三

分右為末和勻捲作紙燃七條用香油點燈放床

上令病人放兩腳包住上用單被通身蓋之口噙

凉水頻換則不損口頭初日用三條後日每用一

條熏之 丹心 又方水銀白錫百艸霜各一錢先

將錫燐化入二味和勻研末捲作紙燃九條每早

午晚各一條用紙作單勿令泄氣熏鼻孔男左女

右口噙凉水溫則易之一日

熏三次三日九次全愈 醫鑑



# 吹藥方

治楊梅天疱瘡黑鉛八分溶化入水銀一錢  
同結成餅銀珠即輕粉一錢半炒白礬雄黃

各一錢為末棗肉搗勻分作六丸每取一丸放火

籠內命病人以巾包頭吹眼看其藥丸待烟盡

即止當日早午晚各吹一丸次日早午吹二丸第

三日只早吹一丸吹後三五日或口流涎以黃連

菜豆煎湯解之又服化毒散方見上三日後

以加減通聖散丸方見上調理斷根入門

# 照藥方

服茯苓湯後次用照藥水銀黃丹炒白錫各  
一錢血竭末五錢京香三分無麝香者右為

末用熟艾鋪紙入藥在中搯作條放蓋內入香油

一椀將藥條作燈心點火安木桶內四圍用單被

圍住勿泄氣眼看燈口噴涼水

熱則換水盡藥條為度醫鑑

# 滅癩法

治天疱楊梅瘡愈後癩痕紅黑用大黃白  
礬等分同研擦患處其痕即去如常回春

# 禁忌法

天疱楊梅瘡忌食牛馬狗肉雞豬魚生冷及酒  
麵茶油膩辛辣等物痛斷酒色鹽宜炒食回春

# 鵝掌癬

凡天疱楊梅瘡服輕粉愈後手掌上發癬退皮一層生生不絕名曰鵝掌癬亦曰鵝掌風宜服

蒼耳散擦玉脂膏

醫鑑

○一方猪前蹄爪破開入

菊花蒼耳末以線縛定煮爛食之次日用白鮮皮

皂角雄黃各五分鈔炒水銀三分為末臨臥以鵝

脂薑汁調擦次早以磁鋒磨刮去麤皮服蒼耳散

擦玉脂膏更灸勞宮或內關穴斷根入門○又方

黃丹輕粉等分為末猪油調擦○川烏艸烏何首

烏天花粉赤芍藥防風荆芥蒼朮地丁

各一兩艾葉四兩煎水熏洗立效回春

# 蒼耳散

治鵝掌癬猪牙皂角土茯苓甘艸各一錢蒼

耳子金銀花皂角刺防風荆芥連翹各一錢

天麻前胡蛇床子各五分右剉作一

貼薑一片川椒一撮同煎服醫鑑

# 玉脂膏

治同上牛乳拍油無則鵝香油黃蠟各一兩

熔化乃入胡粉二錢輕粉一錢半麝香五分

右為末入內攪勻抹癬上火錢半麝香五分

上烘擦再烘再擦如神

醫鑑

# 瘰癧

瘰癧之證內經謂之結核是也生頸前項側結核

如大豆如銀否曰瘰癧生胃脇腋下堅硬如石形

如馬刀蛤曰馬刀入門○結核連續者為瘰癧形

長如蛤者為馬刀細目○繞項起核名曰蟠蛇瘰

多生肩項或赤或白或沈或浮初生如豆久似核

年月浸久其大如梅或如雞卵排行成列或生二

三或生六七是也用性努力思慮過久則疼痛赤

腫早治為上細目○流注癰者婦人多有之其性

急躁其氣怫鬱其心熱著初生在項破後流注四

肢遍體結毒如梅李狀不瘰自破孔竅相穿寒熱

疼痛或流膿汁是也又名千歲瘡化氣調經湯主

之綱目○瘰癧始起於少陽不守禁忌延及陽明

大抵食味之厚鬱氣之積皆此二端招引變換以

其屬膽經主決斷有相火而且氣多血少婦人見

此若月經行寒熱不作則可生稍久轉為潮熱危

矣自非斷慾絕慮食淡雖神聖不可治也丹心○

膽與肝合且主筋病則筋累累如貫珠寒熱燥痛

乃肝氣動而為病也當清肝火為王左清肝益榮

湯方見五藏柴胡清肝湯方見癰疽梔子清肝湯

入門。肝燥火動而筋攣補中勝毒餅為主多怒

火宜清肝解鬱湯方見五藏有寒熱單夏枯艸散

通用貓頭丸海藻散堅丸入門。治方大槩以地

膽斑貓為主滲泄小便以瀉心火立應散是也然

性甚峻服後量體調治實者宜熱丹虛者托裏益

氣湯方見癰疽。入門。瘰癧之毒莫不有根地

膽斑貓製度如法能使其根從小便中出或如粉

片或如塊血或如爛肉皆其驗耳但毒根之行小

便必澀當以木通滑石輩導之然是毒必從小便

出者何哉蓋諸痛痒瘡瘍皆屬於心故也直指。

通治空化氣調經湯貓頭丸海藻散堅丸宜熱丹

三聖丸小犀角丸散腫潰堅湯內消丸琥珀散蠟

礬丸天花散夏枯艸散。瀉肝膽火宜梔子清肝

湯。瀉毒宜立應散薄荷丹白蛇丹四聖散。補

虛補中勝毒餅益氣養榮湯。馬刀瘡宜連翹散

堅湯消腫湯柴胡通經湯諸方

化氣調經湯

通治流注癰癧橘皮二兩香附子酒浸製羌活白芷各一兩牡蠣粉天花粉皂

角刺甘州各五錢右為末每二錢清酒調下日三

梔子清肝湯

治肝膽火盛耳後頸項胃乳等處結核腫痛寒熱柴胡二錢梔子酒炒牡丹皮

各一錢三分赤茯苓川芎赤芍藥當歸牛蒡子各一錢青皮甘州炙各五分右剉作一貼水煎服

補中勝毒餅

治癰癧馬刀瘡黃芪一錢半連翹一錢防風升麻柴胡甘州各五分當歸生地

黃熟地黃白芍藥陳皮人參各三分右為末湯浸蒸餅調和捏作一餅子晒乾每一餅擣為末白湯

調下入門

夏枯艸散

大治癰癧散結氣有補養厥陰血脉之功夏枯艸末六錢甘州末一錢右和勻每二

錢茶清調下。又取一兩水煎服虛者多服益善兼服十全大補湯方見虛門加香附遠志貝母治

瘰癧馬刀退寒熱之聖藥也

### 貓頭丸

治瘰癧馬刀已破未破皆效  
貓頭骨一箇炙  
蝙蝠一箇以朱砂三錢填入腹內瓦上炙焦

南星白礬各一兩右為末黃蠟熔化和  
丸棗豆大臨臥米飲下三十丸

### 海藻散堅丸

治瘰癧馬刀堅硬形瘦潮熱兼治癭氣  
神麴四錢海藻昆布艸龍膽蛤粉通艸

貝母自礬枯真松蘿各三錢半夏二錢右為末蜜  
丸棗豆大蔥白湯下三十丸或取末二錢溫酒調

服入門

### 宣熱丹

解瘰癧風熱之毒自小便出薄荷皂角連翹  
何首烏蔓荊子三稜荊芥各一兩右為末熱

醋浸豆豉二兩半搗膏和丸梧子  
大熟水下三十丸日一服

### 三聖丸

通治瘰癧丁香五十粒斑貓十箇去毒炒麝  
香一錢右為末鹽豉五十粒湯浸研如泥和

丸菉豆大每服五七丸空心溫酒送下日進三服  
五七日外覺小便淋瀝或下如青筋膜之狀是病  
之根也

### 小犀角丸

治諸癩應效如神常服去根黑丑半生半  
炒取頭末犀角青皮陳皮各一兩連翹五

錢右為末皂角二條去皮弦子湯浸絞取汁一椀  
新薄荷二斤取汁同熬膏和丸梧子大連翹薄荷  
湯吞下三十丸  
食後服

### 散腫潰堅湯

治癰癤及馬刀瘡堅而或潰或潰出膿  
水黃芩一錢酒洗半生半炒艸龍膽酒

洗六分瓜萋根酒洗黃柏酒炒知母酒炒桔梗昆  
布海藻各七分柴胡六分炙甘草三稜酒洗蓬朮  
酒炒連翹各五分葛根白芍藥當歸稍各四分黃  
連酒洗升麻各三分右剉作一貼水浸半日煎服  
食後去枕低頭而臥含一口作十次嚥下徐徐服  
之另薦一料為細末蜜丸菉豆大每取百丸以煎

藥湯送下  
東垣

### 內消丸

治瘰癧結核熱毒鬱滯服之內消黑丑八兩取頭末青皮陳皮各二兩右為末以薄荷皂

角各三兩煮爛取汁熬膏和丸菉豆大以荊芥茶清吞下三十丸食後服精義

### 琥珀散

治瘰癧結核內消神效白丑頭末滑石白僵蠶黃芩各一兩木通連翹各七錢枳殼赤芍

藥柴胡各五分斑貓三錢去翅足炒甘艸三錢琥珀二錢右剉分作六貼水煎服回春

### 天花散

治瘰癧潰爛疼痛金銀花二錢赤芍藥一錢七分天花粉一錢五分穿山甲一錢二分白

芷當歸各一錢貝母七分沒藥五分乳香二分右剉作一貼酒水煎服醫鑑

### 立應散

治瘰癧馬刀瘡連翹赤芍藥川芎當歸滑石甘艸各五錢黃芩斑貓去毒炒各三錢白丑

頭末生土蜂房蜜水洗飯上蒸晒乾各二錢半川烏尖七箇右為末每一錢濃煎木通湯調下臨臥



服毒從小便出如粉片血塊是也未效再服斑貓  
性毒濟以烏尖或衝上麻悶嚼蔥白茶清下以解  
之如尿澀益元散或五苓散燈心煎湯調  
下宜毒後繼服薄荷丹解其風熱入門

### 薄荷丹

解癘癰毒服藥從小便出後常服此薄荷皂  
角連翹何首烏蔓荊子三稜荊芥各一兩右

為末豉二兩半以熱醋淹豉令軟研為  
糊和丸梧子大熟水下三十九直指

### 白蛇散

治癘癰馬刀九瘦寒熱作痛白花蛇肉二兩  
青皮黑丑頭末半生半炒各五錢犀角二錢

半右為末每一錢入輕粉五分研勻五更以糯米  
飲調下已時利下惡物乃病根也十日後再服後

用四聖散補之  
永斲根入門

### 四聖散

治癘癰用白蛇散取轉後用此補之海藻石  
決明煨羌活瞿麥各一兩右為末每二錢米

飲調下日三服下

清水盪為妙得效

蠟礬丸

治癩癧馬刀惡瘡衛護內膜驅解諸毒自然內消神妙方見癰疽

益氣養榮湯

治懷抱抑鬱癩瘰流注日晡發熱或潰而不斂黃芪一錢半人參白朮各一錢

當歸酒洗川芎白芍藥酒炒生地黃陳皮香附子貝母各七分柴胡枳椇地骨皮甘艸炙各五分右剉作一貼水煎服日一次醫鑑

連翹散堅湯

治馬刀癩癧流注遍體作核作瘡柴胡一錢半艸龍膽酒炒四次土瓜根酒炒

各一錢二分黃芩酒炒三次一錢當歸梢生黃芩蓬朮酒炒三稜酒炒連翹白芍藥酒炒各七分炙甘艸五分黃連酒炒蒼朮各四分右剉作一貼水浸半日乃煎去枕仰臥一日作十次嚥之雷下丸藥另取一劑為細末蜜丸菉豆大每百丸以煎藥水送下更以龍泉散塗之正傳

消腫湯

治馬刀瘡連翹二錢生黃芩柴胡各一錢二分天花粉黃芪各一錢當歸梢甘艸各七分

鼠粘子黃連各五分紅花二分  
分右剉作一貼水煎服正傳

### 柴胡通經湯

治少陽經分項側有核堅而不潰名曰  
馬刀瘡桔梗二錢柴胡連翹當歸尾黃

芩黃連並酒炒鼠粘子三稜甘艸生各一  
錢紅花一分右剉作一貼水煎服

### 一方

治瘰癧烏雞卵一枚穿頂納斑貓一箇紙封其  
竅蒸熟去貓日一服煎五積散

四五枚即  
效入門

### 外治法

凡瘰癧馬刀荏苒日久內必成膿若腫高消軟  
其人面色萎黃皮膚壯熱上蒸膿已成也可以

鍼法核中用追毒蝕肉錠子絛之用膏貼之精義

○治法以火鍼刺入核中納蟾酥膏于中外用綠

雲膏貼之三日後取去核中稠膿膿盡取去核外

薄膜先破初起之核一枚以絕其源服藥則後出

者皆愈或不能收如銀杏者盡皆開了用藥取之

其目潰者猶如木果之腐熟肉雖潰而核猶存故

膿水淋漓久難得愈治法用鐵烙燒赤烙去其破核猶存者併肉潰處次用金寶膏追去蠹惡之根

遂能長肉而愈 正傳

### 蟾酥膏

蟾酥如大豆許白丁香十五枚巴豆肉五粒寒水石寒食麪各少許右各另研合和再研

蜜丸棗豆大每一丸或二丸三丸納入鍼竅中如膿未盡再納數丸以膿盡為度 正傳

### 綠雲膏

黃連大黃黃芩玄參黃柏木鱉子肉各一錢右剉香油一兩同煎焦色去滓入松脂五兩

再煎成膏濾入水中批拔如金色再熬放溫入豬膽三箇汁銅綠醋浸一宿去滓三錢攪勻如常攤

貼如瘡口不乾加乳香沒藥輕粉尤妙 正傳

### 金寶膏

去腐肉惡肉不傷良肉桑柴灰五椀以沸湯十椀淋濾取汁穿山甲煨胖二兩信砒一錢

杏仁七枚三味同研細生地黃二兩朱砂一錢輕粉麝香各半錢右將灰汁下鍋煎濃下甲末等及

地黃汁候焦乾下麝香次下輕粉次下朱砂候將成膏下炒石灰末一兩以成塊子收入罐內勿見風每取付核上再付即去舊藥併壓即效正傳

### 禁忌法

人以此患不惟懲忿窒慾其於飲食百味一切直指○切忌毒藥點蝕及妄用鍼刀割破

心灰戒資生

### 參貼藥

凡療癰馬刀惡瘡宜用蠶蠶散貓蝠散代灸散龍泉散蝸牛散燒灰散生癰散選用○初起未

破十香膏琥珀膏二方見雜方

義○治癩癰神效方白膠香海蝶蛸降真香等分

常貼之可自消精

為末糝患處外以木紙掩之一夕而退○又方未破者蜜蜂二十一箇蛇蛻七分半蜈蚣二條端午

前收者右用香油四兩同熬成人光粉二兩以桑枝七條急攪候令出火氣七日收貯每用攤紙上

貼患處○此二方不須服藥

只貼上五七日可便消

綱目

蠶靈散

治瘰癧蠶靈三箇白朮砒礪各一錢右並火煨為末糝爛肉上三日其核即下

猫蝠散

治瘰癧歷多年不愈神效猫頭骨一箇蝠蝠一箇右二味俱撒黑豆上同燒存性研為末乾

糝入門

代灸散

治瘰癧潰爛臭不可聞鉛粉雄黃各一錢輕粉五分麝香二分右為末用槐皮一片將鍼

密密刺孔置瘡上上糝藥一撮以炭火炙熱其藥氣自然透入瘡中痛熱為止二三次全愈

龍泉散

治瘰癧癰鈴粉龍泉粉炒即磨刀礪上粉也昆布蓬朮三稜各五錢三味酒浸炒乾右極細

末熱水調塗瘡上即效。瘰癧先出一箇用四楞鐵環定住不令出移破作口了以油紙燃紙之勿

令合了以絕其瘡源其效至速如瘡不破或病人不冑破龍泉散塗之三日一易

蝸牛散

治瘰癧潰與未潰皆可蝸牛不拘多少以竹簽貫穿瓦上晒乾燒存性為末入輕粉少許

取猪骨髓調勻攤紙花貼瘡上三因○一得效  
方蝸牛肉七箇丁香七粒用如上法得效

### 燒灰散

治同上六田螺并殼肉燒存性為未破者乾糝未破者油調付得效

### 生確散

治同上生確一箇取四足臍尾觜并兩耳右燒存性為末油調先洗瘡後塗之立效類聚

### 洗傳方

治瘰癧白芷荊芥煎湯溫洗拭乾貼膏藥膿汁出盡後半夏南星血竭各一錢輕粉少許

為末唾調人膏中傳得效

### 難治可治證

帝曰寒熱瘰癧生於頸腋者何氣使然岐伯曰此皆鼠婁寒熱之毒氣留於脉

而不去者也帝曰沈疔生奈何岐伯曰反其目視

之其中有一赤脉上下貫瞳子見一脉一歲或見一

脉半一歲半或見二脉二歲或見二脉半二歲半

或見三脉三歲而或見赤脉不下貫瞳子者可治

也靈樞○婦人患瘰癧經調及經閉無潮熱者可

治經閉有潮熱或咳者或玉燭散方見胞門治瘰

# 灸法

癰通經日服一貼七八日自消。男子患癰癧有潮熱有咳乃癰癧傷證之標也。故勞瘵類有日腹中有塊頸上有核最為難治。入門。○癰癧

延及曾中中府雲門肺經部分者。或得效。

治瘰癧以手仰置肩上微舉肘取之肘骨尖上是

穴隨患邊灸七壯或二七壯神效。得效。○又法於

掌後手腕盡處橫紋量起向臂中心直上三寸半

是穴灸三壯即效。丹心。○祕法肩尖肘尖二穴即

肩髃肘髃二穴宜灸此穴疎通經絡。良方。○

癰核上每灸七壯隔蒜片灸之尤妙。資生。

獨形而小核者為結核。細目。○結核者火氣熱甚

則鬱結堅硬。如果中核也不須潰破。但熱氣散則

自消。河間。○結核在一身如腫毒者在皮裏膜外

多是溼痰流注。作核不散。問其平日好食何物吐

下後用藥散核。丹心。○痰癧推動滑軟。入門。○結

核在頸項二陳湯。方見痰門。加酒炒大黃桔梗柴

胡連翹煎服。○結核在臂二陳湯加連翹防風川

芎酒芩蒼朮皂角刺白殭蠶煎水入麝香少許服



行太陰厥陰之積痰則自消丹心○遍身有核多

是痰注空加味小胃丹竹瀝達痰丸三方見痰門

通用海帶丸含化丹入門○結核空用消風化

痰湯開氣消痰湯內托白蘇散消解散消核丸

海帶丸治痰核癭氣久不消海帶青皮目母陳皮各

等分右為末蜜丸彈子大食後噙化目細一丸

含化丹治耳項結核酒蒸大黃白僵蠶青黛牛膽南

星各等分右為末蜜丸彈子大食後噙化目細一丸

丸入門

### 消風化痰湯

治結核因風痰鬱結白附子木通各一

錢南星半夏赤芍藥連翹天麻白僵蠶

蒼耳子金銀花天門冬桔梗各七分白芷防風羌

活皂角各五分全蝎陳皮各四分甘艸二分右剉

作一貼薑五片

水煎服回春

### 開氣消痰湯

治膈中胃院至咽門窄狹如線疼痛反

手足俱有核如胡桃者桔梗使香附白

僵蠶各一錢陳皮片芩枳殼各七分檳榔前胡半  
夏枳實羌活荆芥射干威靈仙各五分甘艸四分  
木香三分右剉作一貼  
入薑三片水煎服 醫鑑

### 內托白藪散

治腋下痰核因酒怒氣發腫痛潰膿久  
不差赤芍藥當歸連翹各一錢白芷白

藪片芩酒炒瓜蒞仁各八分川芎天花粉乳香各  
七分防風桔梗柴胡各五分白蒺藜生甘艸各四  
分右剉作一貼  
水煎服 回春

### 消解散

治咽喉結核腫痛頸項不得回轉兩腋下或  
有塊如石硬南星半夏各一錢陳皮枳實桔

梗柴胡前胡黃連連翹赤芍藥防風獨活白附子  
蘇子蓬朮蔓荊子木通甘艸各五分右剉作一貼  
薑三片燈心一  
團同煎服 回春

### 消核丸

治頸項耳後結核三五歲成簇不紅不腫不  
作膿者橘紅鹽水拌焙赤茯苓大黃酒煨連

翹各一兩片芩酒炒梔子炒各八錢半夏麴玄參酒拌牡蠣煨童便淬另研天花粉瓜蒌仁桔梗各七錢白僵蠶炒六錢生甘州節四錢右為末湯浸蒸餅和丸菘豆大白湯下八九十九回春

### 又方

治項後少陽經中疣瘡結核或赤硬腫痛生山藥一塊去皮萆麻子三箇去皮右研勻攤貼如神海藏。治頸上塊動夏枯艸末六錢甘艸末一錢右和勻每服一錢至二錢茶清調下丹心。又

方治痰核疣瘡商陸根生南星合搗爛塗之立消種杏。又方南星艸烏等分為末薑汁調塗立消回春。又大蜘蛛研爛好酒細目

### 癭瘤

浸去滓臨臥溫服甚效。人身氣血凝滯結為癭瘤癭則憂恚所生多著於肩項瘤則隨氣凝結此等皆年數深遠浸大浸長堅硬不可移者名曰石癭肉色不變名曰肉癭筋脉露結名曰筋癭赤脉交結名曰血癭隨憂愁消長名曰氣癭五癭皆不可決破決破則膿血崩潰多致夭枉三四。癭亦氣血凝滯結聚而成初作

梅李皮嫩而光漸如孟卵瘤名有六骨瘤肉瘤膿

瘡血瘤石瘤脂瘤亦不可決潰肉瘤尤不可破破

則殺人惟脂瘤決去其脂則愈三四○瘰癧總皆

氣血凝滯結成惟憂恚耗傷心肺故瘰癧多著頸項

及肩也勞慾邪氣乘經之虛而住故瘰癧隨處有之

入門○通治瘰癧瘰癧瘰癧瘰癧丸久服則自然消縮最妙

方八見二癰疽二○直指○五瘰六瘰或軟或硬無痛無

痒空破結散人參化瘰丹海帶丸方見上砒掌散

神效開結散治脂瘤方枯瘤方化瘰膏南星膏諸

方○服治瘰癧藥先須斷厚味丹心○凡瘰癧疣

贅等至年衰皆自內潰理於年壯可無後憂也精

義○瘰癧初起通用十六味流氣飲方見癰疽單

蜘蛛方久服蠟礬丸

外付南星膏入門

# 破結散

治五瘰及瘰卽上海藻散堅丸也濟生○有

方去松蘿代真桑寄生一倍服兩散

三五日其瘰自消散而愈正傳

# 人參化瘦丹

治瘦癯海帶海藻蛤粉昆布上四味皆焙澤瀉炒連翹各一兩猪鬃羊鬃即猪

腎乃囊中各十枚切片焙乾右為末蜜丸芡實大食後噙化一九日三細目。瘦癯多用昆布海藻

海帶鹹能軟堅之藥治之醫鑑

# 舐掌散

治瘦海藻黃連各一兩右為末取少許置掌中時時舐之津液嚥下如消三分之二止藥

正傳。一方海藻海帶昆布蓬朮青鹽等分為末蜜丸彈子大噙化嚥下日三丹心

# 神效開結散

治瘦癯皆效沈香二錢木香三錢陳皮四錢真珠四十九粒火煨猪厭肉子猪生

項下喉龍系一枚如棗大微扁色紅者四十九箇瓦上焙乾右為末每二錢臥時冷酒調和徐徐嚥下輕者三五服效

重者一料全愈入門

# 治脂癭方

一種脂癭粉紅色全是痰結用鍼決去脂粉則愈或有如茄垂下根甚小者用藥點

其帶埃茄落卽用生肌膏貼之防其出血入門

### 枯癩方

砒礪礪砂黃丹雄黃輕粉各一錢斑猫生三十箇朱砂乳香沒藥各一錢右為末糯米粥和丸捏作碁子樣暴乾先灸三壯於癩頂以藥餅蓋上以黃柏末水調貼之數日自然枯落綱目

### 化癩膏

治肉中腫起生癩漸大白蘇一兩大黃川芎二錢半右為末雞子黃調勻攤帛貼之  
類聚

### 南星膏

治癩癧生天南星大者一箇細研滴醋三五點為膏先將鍼刺癩上卻以藥攤紙上貼之頻貼取效如無生者乾者為末醋調用之得效  
醫鑑

### 又方

治氣癭鍼砂浸水缸中平日飲食皆用此水十日一換鍼砂服半年自消直指  
○凡海中菜皆療癭癧結氣海藻一斤洗去鹹酒三升漬數日稍飲之○海藻昆布等分為末蜜丸常含化嚥汁

本州

○夏枯艸散瘰結氣水煎頻服即愈

本州

松蘿治瘰癧水煮服之本州○治瘰癧大蜘蛛一

箇插酒頓服入門○羊靨鹿靨

酒漬灸含嚙汁七日差本州

治瘰灸天突三七壯又灸肩髃男左十八壯

右十七壯女右十八壯左十七壯妙得效

# 疔瘰灸法

瘰者諸瘰之潰漏也狼瘰鼠瘰蠅蛄瘰蜂瘰蚰蟥

瘰疥蟻瘰浮疽瘰癧癩瘰轉筋瘰是為九瘰其證

穿孔一淡膿汁不盡風冷併入涓涓而成漏矣直

指○漏喜發於項腋及陰僻肛門之間療治失節

即生寒熱凡癰疽諸發苟有宿膿朽骨停蓄其間

皆為之漏直指○內經曰陷脉為瘰留連肉腠者

是也可用附子灸法蒜餅灸法方見鍼灸灸之

瘡口維翠霞散或翠霞錠子維之外貼膏藥精義

○治法溫散風冷為急宜溫解散內塞散○收水

次之宜牽牛酒○生肌又次之宜龍骨牡蠣人齒

犬牙加血竭乳麝髮灰內外相維生肌必矣或平

肌散方見癰疽人牙散蜂房散選用○通治宜加

味蠟礬丸內生肌丸乳麝雲母膏溫經丸。外治  
宜截疔散雄黃膏黑靈散。熏方洗方取久漏中  
朽骨方治心漏方  
取漏蟲法禁忌法

### 溫解散

治漏瘡散風冷蒼朮厚朴陳皮藿香半夏麴  
川芎白芷細辛各一錢官桂白薑甘艸炙各

七分右剉作一貼入薑  
三棗二水煎服 得效

### 內塞散

治疔瘦瘡久不差人參黃芪當歸白茯苓防  
風白芷桔梗櫻川芎遠志厚朴官桂赤小豆甘

艸炙各五錢附子炮一箇右為  
末每取二錢溫酒調下 精義

### 牽牛酒

引漏瘡中惡水自大腸出黑牽牛頭末二錢  
入猪腰子內以線扎縛溼紙包慢火煨熟空

心細嚼溫酒送下 入門。一名猪腎酒夫水屬腎  
也腎虛水溢則滲漉於漏瘡行腎之水無如黑牽

牛取細末入猪腎服之則借腎人腎兩  
得其便惡水既泄則不復淋漓矣 直指



人牙散

治漏瘡惡瘡能生肌人牙煨油髮灰雄雞內  
金各等分右為末入麝香輕粉各少許和勻

溼則乾 乾則油 調付之  
直指 一名齒髮散 入門

蜂房散

治久年漏瘡露蜂房炙黃七錢半穿山甲焦  
龍骨各二錢半麝香少許右為末臘猪脂調

付之 入門

加味蠟礬丸

治久新諸漏象牙五錢露蜂房白僵蠶  
蛇退燒血竭木香各三錢乳香二錢白

礬二兩右為末黃蠟四兩熔化和勻眾  
手作丸梧子大溫酒下二三十丸 入門

内生肌丸

治漏瘡枯白礬鹿角屑脂麻各一兩為末  
蜜丸梧子大溫酒下三十丸竅塞後去鹿

角加象牙一兩黃蠟  
和丸常服斷根 入門

乳麝雲母膏

治漏瘡穿山甲一百斤蚌粉同炒候焦  
起泡去粉取甲為末四兩入乳香末一

錢麝香末半錢夾和雪母膏十五貼  
和丸 梧子大溫酒下三十丸 直指

### 溫經丸

治陷脉久癭附子二兩醋浸炮七次去皮臍  
厚朴官桂白朮乾薑木香甘艸炙各一兩右

爲末蜜丸梧子大米  
飲下三五十九丸 精義

### 截疳散

治年深疳癭瘡白藪白芨黃丹蜜陀僧各二  
錢黃連一錢龍腦麝香輕粉各二分右爲末

乾糝或紙  
之 東垣

### 雄黃膏

治久年冷癭油髮灰黃蠟各五錢雄黃末硫  
黃末各二錢半香油二兩右和勻熔化候成

膏貼之  
直指

### 黑靈散

通治漏癭露蜂房五錢牡蠣粉黃丹硫黃研  
各一錢半右同炒烟盡爲末入油髮灰二錢

半麝香少許右  
和勻糝付 直指

翠霞散

治漏瘡惡瘡去毒生肌滑石五錢銅綠二錢  
半輕粉一錢龍腦麝香粉霜各二分半右為

末蘸紙瘡口上  
以膏貼之精義

翠霞錠子

治久冷漏瘡內有灰肉銅綠寒水石煨滑  
石各三錢白礬輕粉砒礪雲母石各一錢

一分半右極細末合糊為錠子如麻黃  
麤細量瘡深淺紙之上貼膏藥精義

熏漏瘡方

艾葉五倍子白膠香苦棟根右等分剉  
如燒香法置長桶內坐其上熏之入門

洗漏瘡方

凡漏瘡孔中多有穢惡常須避風洗淨白  
芷露蜂房或大腹皮苦參煎湯熏洗拭乾

取東向石榴根皮為末乾糝以殺淫  
蟲入門○凡諸瘡切忌生水洗得效

取久漏中朽骨方

久疽及痔漏中有朽骨宜取去之  
烏骨雞脛骨砒礪實之鹽泥固濟

火煨通紅取出去泥研為末飯丸粟米大以紙  
搽送入竅內外用膏藥封之其骨自出丹心

# 治心漏方

胃前有孔常出血水謂之心漏此病醫者少載人多不知鹿茸酥炙附子炮鹽花各

等分右為末棗肉和丸梧子

大空心溫酒下三十丸

# 取漏蟲法

取活鱗魚數條令盤屈以竹簽串定香油塗上下覆瘡上以布中繫定良久覺痒痛

不可忍取鱗入水中有蟲如線出焉未盡再覆蟲盡後以艾湯入白礬洗淨黃連檳榔末摻付治瘰

瘡亦妙  
入門

# 禁忌法

凡漏切忌七情房勞尤戒怒氣不然則核則大漏則水多  
直指

# 單方

凡八種有  
烏金散

# 橡斗子

治漏瘡疔癰瘡取十二箇一實黃丹一實白礬兩藥相合定麻皮纏了燒存性研細入麝

香少許洗淨

名曰烏金散  
濟生

### 蟻螬蟲

巴下至蛇膽治皆同上剪去兩頭安瘡口上以艾炷灸之七壯一易不過七枚無不效

### 纓鼠

燒取膏塗之最妙本州

### 鰻鱧魚

取膏塗之并食其肉甚效本州

### 鯉魚腸

火炙封瘡口半日許

### 松脂

煉填瘡口令滿日三易即效本州

### 蝮蛇膽

取汁塗之

### 熟犬肉

肛漏多孔蘸藍汁食之七日差得效

### 灸法

久漏瘡足內踝上一寸灸三壯在上則灸肩井鳩尾東垣

則為寒宜用附子灸法硫黃灸法久瘡成漏膿水不絕者亦宜灸

丹心

# 疥癬

疥瘡有五一日乾疥皮枯屑起宜吳茱萸散○二日溼疥癩腫作痛流汁淋漓宜一上散○三日砂

疥細如砂子或痛或痒宜剪艸散○四日蟲疥痒

不知痛易於傳染宜硫黃餅○五日膿疥含漿稠

膿色厚焮痛宜三黃散○癬瘡亦有五一日溼癬

狀如蟲行搔之汁出○二日頑癬全然不知痛痒

○三日風癬又名乾癬搔生白屑○四日馬癬微

痒白點相連○五日牛癬如牛領皮厚且堅○疥

癬皆血分熱燥以致風毒剋於皮膚浮淺者為疥

深沈者為癬疥多挾熱癬多挾溼疥狀如被介甲

癬狀如走苔蘚大槩相同入門○治疥宜升麻和

氣飲一掃散神異膏如聖散油調立效散○治癬

宜麻豆膏蝎猫膏胡粉散連粉散○通治疥癬宜

一上散祕傳一擦光當歸飲子何首烏散無莖散

浮萍散諸方○凡疥痛甚加寒水石痒加黑狗脊

微痒加蛇床子有蟲加雄黃喜溫熱加硫黃丹心

## 吳茱萸散

治乾疥及春月發者以此開鬱蛇床子三錢寒水石二錢半白礬吳茱萸各二錢黃

柏大黃硫黃輕粉各一錢樟腦半錢  
檳榔一箇右為末香油調付入門

### 一上散

治疥癬痛痒蛇床子炒黑狗脊即貢泉白膠  
香寒水石各一兩枯白礬黃連各五錢雄黃

三錢半硫黃吳茱萸各三錢斑貓十四箇去翅足

右為末臘猪脂或香油調先以蒼耳煎湯洗去痂

後掌中擦藥令熱鼻中嗅三五

次卻擦瘡上一擦即愈丹心

### 剪艸散

治砂疥蛇床子三錢寒水石蕪荑各二錢剪  
刀艸杜白礬吳茱萸黃柏各一錢蒼朮厚朴

雄黃各五分輕粉一錢入門

右為末香油調付入門

### 硫黃餅

治蟲疥及喜湯火灸熨者礬製硫黃一兩為  
末用水調成餅貼磁碗底覆轉用熟艾一兩

川椒三錢為末火燃熏乾硫黃臨用先以藥

湯水洗拭後用麻油調硫黃末擦之入門

### 三黃散

治膿疱疥瘡治熱為主黃芩黃連大黃各三  
錢蛇床子寒水石各二錢白礬一錢黃丹五

分輕粉無名異白芷木香各二分右爲末香油調付入門

### 升麻和氣飲

治疥瘡痛痒乾葛二錢陳皮甘艸各一錢半升麻蒼朮桔梗各一錢赤芍藥七分半大黃五分半夏當歸茯苓白芷各三分乾薑枳殼各二分右剉作一貼入薑五片燈心十五莖

水煎服入門

水煎服入門

### 一掃散

治一切瘡疥藜蘆皮三錢蚌粉鉛粉各一錢半雄黃七分輕粉一錢右爲末刀用大鱗魚

一箇入香油煎候熟去魚攤冷調藥擦瘡得效

### 神異膏

治同上全蝎七箇皂角二錢巴豆去皮七箇蛇床子末三錢雄黃另研三錢輕粉一字清

油一兩黃蠟半兩右先用全蝎皂角巴豆入油煎變色去三味入蠟溶化放冷入雄黃蛇床輕粉和勻成膏先以藥水洗瘡拭乾後乃上藥擦之神效得效



如聖散

治肺藏風變生瘡疥浸展胡粉一兩黃連七錢半蛇床子五錢水銀二錢半右為末生麻

油調塗  
司方

油調立效散

治溼疥浸淫久不差輕粉綠礬黃柏硫黃各等分右為末生麻油調洗瘡後塗

擦  
司方

麻豆膏

通治諸癬麻油二兩入巴豆肉葶麻子肉各十四粒斑貓七粒熬煎至枯黑色去滓卻入

白蠟五錢蘆薈末三錢攪勻成膏塗擦之入門○

遍身生癬獨莖羊蹄根另擣白礬末以米醋調成

膏塗擦之加輕粉

黃丹尤效丹心

蝎猫膏

治牛皮癬全蝎斑猫各十枚巴豆肉二十枚香油一兩右同熬候色焦者先去之去盡三

物了乃入黃蠟一錢候熔收貯朝擦暮愈不損皮

肉綱目○一方治遍身牛皮癬川烏艸烏何首烏

白芷蘇木各等分右麤剉入臘豬脂同熬至白芷  
焦色去滓候冷入鹽少許常挑一匙空心酒調下  
得效

### 胡粉散

治癬神效胡粉硫黃雄黃各二錢半砒礪一  
錢二分半大艸烏生一箇斑猫一箇蝎梢七

枚麝香少許右為末先以羊蹄根蘸  
醋擦動患處次用藥少許擦之得效

### 連粉散

治風癬溼瘡黃連胡粉黃柏黃丹枯白礬各  
五錢輕粉龍骨爐甘石各五分右為末乾糝

或油調  
塗丹心

### 祕傳一擦光

治疥癬及諸般惡瘡神效白礬枯六錢  
蛇床子苦參蕪荑各五錢雄黃硫黃川

椒大風子肉各一錢半輕粉樟腦  
各一錢右為末生豬脂調付正傳

### 當歸飲子

治遍身疥癬腫痒流膿當歸赤芍藥川芎  
生地黃防風荆芥白蒺藜各一錢二分何

東...監...丙...

首烏 黃芪 甘艸 各七分 右剉作  
一貼 入薑三片 水煎服 入門

### 何首烏散

治遍身疥癬瘙痒 荆芥穗 威靈仙 蔓荊子  
何首烏 防風 甘艸 各等分

右為末 每取二錢  
溫酒調下 丹心

### 蕪荑散

治疥無問新久 亦治癬 白蕪荑 一兩 檳榔 吳  
茱萸 各五錢 硫黃 二錢 右為末 猪脂 或香油

調擦之  
本事

### 浮萍散

治諸疥癬及癩瘡 浮萍 四兩 當歸 川芎 赤芍  
藥 荆芥 穗 麻黃 甘艸 各二錢 右剉分作二貼

入蔥白三莖 豆豉六十  
箇 同煎服 出汗 醫鑑

### 洗藥

治疥癬瘙痒 生瘡 細辛 荆芥 白芷 川芎 黃芩 防  
風 地骨皮 甘艸 各等分 右麤末 每取二兩 水一

大碗 煎十餘沸 乘溫淋湯 患處 名曰八仙散 精義  
○何首烏 陳艾 等分 濃煎 浸洗 治遍身疥癬 本艸

○冬瓜藤煎湯浸洗亦佳  
本州 ○溫泉浴最妙 本州

單方 凡十  
二種

硫黃 生用治疥癬及惡瘡嗅其  
臭不止可愈疥瘡 本州

雄黃 治疥癬殺蟲為  
末付之 本州

水銀滓 研臘猪脂擦疥  
殺蟲立效 得效

藜蘆 治疥癬作末生  
麻油調塗 本州

羊蹄根 治疥癬爛疔和  
醋付之妙 本州

槿樹皮 治頑癬加巴豆斑  
少許為末水調付 丹

脂麻 生取油付疥癬及  
惡瘡甚妙 本州

久皮鞋底

牛皮癬燒灰入輕粉少許油調付入

田螺

煮熟取肉用酒醃炒熟食除一生活疥

臘猪脂

生礬杏仁加輕粉少許搗擦治疥癬妙

鵝鴿

治久患瘡疥食之甚良本州

蛇床子

治遍身疥癬硫黃白礬各二錢水銀滓三錢右為末薑汁調擦立效

鍼灸法

治瘡疥頑癬取絕骨三里間使解谿委中或鍼或灸

瘡疥取曲池合谷三里絕骨行間委中

癬八月八日出時令患人正當東向戶長跪舉

兩手持戶兩邊取肩頭小垂際骨解宛宛中左右

兩火俱下灸七壯七日愈

淫癬下至膝痒痛流黃水百藥不效戴人以鍼當

痒時刺百餘處血出盡煎鹽湯洗之四次方除蓋

溼淫於血不可  
不鍼也子和

# 癩頭瘡

頭上生瘡如癩防風通聖散方見風門為末酒  
浸焙三次食後白湯調服日三丹心鹽湯溫

洗一上散方見上付之久久不愈者神效丹心頭

瘡宜服酒歸飲外用雄黃水銀等分為末臘猪脂

半生半熟調付之溼爛者燕窠土黃柏為末乾糝

入門丹心○白禿頭瘡宜神應膏醫鑑○頭面瘡蜜陀

僧硫黃各二錢輕粉少許右為末猪脂調付丹心

○又方臘月馬脂油塗擦極妙丹心○又方松皮

灰五錢黃丹白膠香各二錢半枯白礬大黃黃柏

各一錢三分右為末熱油調付丹心○小兒癩頭

瘡松脂一兩懸龍尾黃丹各二錢白芷五錢松樹

皮水銀雄黃白礬各二錢右為末另用香油入亂

髮煎爛調勻付之丹心○又方爛木耳為末蜜調

付○又炭燒紅淬長流水令熱洗之○又胡荽子

伏龍肝懸龍尾黃連白礬為末油調付連床散如  
聖黑膏亦佳丹心○又兔絲子或蒺藜子煎湯洗

之本州

### 酒歸飲

治頭瘡酒當歸白朮各一錢半酒芩酒芍藥川芎陳皮各一錢酒天麻蒼朮蒼耳各七分

半酒黃柏酒甘艸各四分防風三分右到作一貼水煎日三服服後穩睡片時入門

### 神應膏

治白禿頭瘡羊糞燒存性為末用雁油調塗一二次即愈醫鑑

### 連床散

治小兒癩頭瘡及身上諸瘡黃連五錢蛇床子五倍子各二錢半輕粉少許右為末荆芥

湯洗後油調付丹心

### 如聖黑膏

治小兒白禿頭瘡豆豉半升艸龍膽蕪荑各二錢半右燒存性為末香油半斤熬至

四兩下藥調勻付之神效得效

### 人面瘡

多生膝上亦有臂上生者古書云寃業所生須清心悔過內服十六味流氣飲方見癰疽久者

大苦參丸腎氣丸方見虛勞外用貝母為末付之

著痂而愈入門○人身有瘡如人面面目口鼻皆

具昔有一人左膊上生瘡以物食之皆能食灌以

酒則面亦赤色醫者教以歷試諸藥皆無苦至貝

母其瘡乃聚眉閉口其人喜曰可治即取貝

母末和水灌入口中數日成痂而愈本事

# 大苦參丸

治人面瘡及廉瘡苦參二兩防風荆芥白

皂角蔓荊子赤茯苓山藥白茯苓黃芪羌活白附

子各五錢艸烏炮一錢半右為末水煮麪糊和丸

梧子大每服五七十九丸空心

酒下不飲酒以茶代入門

# 陰蝕瘡

夫陰瘡大槩有三等一日溼陰瘡二日妒精瘡

三日陰蝕瘡亦曰下疳瘡也○溼陰瘡者由腎

虛風溼邪氣乘之瘙痒成瘡浸淫汁出狀如疥癬

○妒精瘡者由壯年久曠房室思色動慾以致敗

精流入莖內陰上生瘡赤腫潰爛作白痛痒妨悶

○陰蝕瘡者由熱結下焦經絡澀滯或婦人子宮



有敗精停畱或月水未斷與之交合房勞後又不

洗浴邪穢畱滯遂令陰莖連辜丸腫痛小便如淋

經久潰爛侵蝕肌肉膿血不止遂成下疳瘡久不

愈則必成楊梅瘡宜服仙遺糧湯方見上預防之

寒熱尿澀宜八正散方見小便溼熱甚則腫痛尿

澀莖中痒痛或出白津宜龍膽瀉肝湯方見則陰

腫潰後八物湯方見虛勞加柴胡梔子知母久服

入門○下疳瘡日久不愈或成便毒或損爛陽物

多致危篤俗云疳瘡未已便毒復來生也醫鑑○

陰頭腫痛生瘡名為下疳乃督任衝三脉之會其

瘡一生則便毒厲風瘡次第而來先宜升麻葛根

湯方見寒門發出繼服涼血解毒丸即愈不必服

輕粉毒藥醫鑑○妒精瘡初發在陰頭如粟拂之

即痛甚出清膿作白孔蝕之大痛婦人有生於玉

門內正似疳蝕瘡但不痛為異醫鑑○治法以大

豆甘艸湯漬之洗毒散煎湯浴之磨鼠膏溫潤之

精義○通用消疳敗毒散涼血解毒丸同春

凉血解毒丸

治下疳瘡苦參四兩黃連二兩連翹一兩半大黃一兩二錢半惡實生乾地黃

白芷各一兩防風石膏各五錢右為末荊芥煎湯打糊和丸梧子大空心溫水下百丸

消疳敗毒散

專治下疳瘡柴胡一錢半黃柏赤芍藥赤茯苓木通艸龍膽各九分連翹荊芥

黃連蒼朮知母各七分防風獨活各六分甘艸三分右剉作一貼燈心一團水煎服

洗瘡藥

凡下部諸瘡常須藥湯淋洗以去膿汁惡水宜洗瘡湯大豆甘艸湯洗毒散洗下疳方

洗疳湯

治下疳瘡川練子黃連瓦松川椒蔥根艾葉右等分煎水以青布蘸洗立效

大豆甘艸湯

治陰蝕下疳瘡甘艸一兩赤皮蔥三莖黑豆一合槐條一握右濃煎取清候溫

浸浴日二精義

洗毒散

治陰蝕瘡及諸般惡瘡蛇床子地骨皮大蘗麻黃荊芥防風枯白礬各三錢蔥白三莖煎

湯溫洗  
丹心

### 洗下疳瘡方

黃柏黃連當歸白芷獨活防風朴硝荊芥各三錢入銅錢五十文烏梅五箇鹽

一匙同煎取湯洗四  
五次乃付糝藥入門

### 糝付藥

藥水淋洗後乃用糝付之藥宜柏蛤散津調散  
鳳衣散旱螺散截疳散方見上珍珠散磨風膏

或糝或  
付諸方

### 柏蛤散

治下疳溼瘡黃柏以磁鋒刮取末蛤粉右末  
等分糝上即愈蓋黃柏去熱蛤粉燥溼也入

### 津調散

治妒精瘡黃連欵冬花等分右為末先以地  
骨皮蛇床子煎水洗拭乾乃津調付入門

### 鳳衣散

治下疳瘡鳳凰衣煨即雞抱卵殼黃丹各一  
錢輕粉片腦各少許右為末乾糝或鴨子清

調付入門

# 旱螺散

治同上白田螺殼煨入腦麝輕粉各少許右為末香油調搽入門。治妒精瘡溪港中陳

久殼為  
妙得效

# 珍珠散

治下疳瘡黃連黃柏乳香沒藥孩兒茶輕粉鉛粉五倍子炒真珠象牙各等分為末以米

泔洗後  
上醫鑑

# 磨風膏

治陰蝕瘡蛇床子五錢大風子十四箇杏仁二十箇枯白礬樟腦各二錢川椒輕粉水銀

各三錢雄黃一錢半銀硃一錢右為末生麻油和丸彈子大每用少許呵洋遍擦之入門

# 一方

治下疳瘡并玉莖蝕了盡用此藥也長出來如初只小元管耳黑鉛五錢化開投汞二錢半研

不見星入寒水石三錢半輕粉二錢半鵬砂一錢右為極細末先以蔥艾椒煎水洗患處乾搽之亦

治舌被人咬斷

有效如神 回春

又方

治年少陽道興強當泄不泄不泄強泄脹斷嫩皮初如鍼眼良疼不敢泄刮日久連莖潰爛痛楚日甚用荆芥黃柏甘艸生蔥地骨皮煎水洗去膿腫以訶子燒灰入麝香少許乾糝患處仍斷房事臨睡喫冷水勿令陽道興起

又方

莖頭三五孔小漏瘡出血微膿油髮灰津唾調付仍米飲調服一錢甚妙直指○外腎疔瘡雞

卵殼黃連輕粉為末香油調塗得效○疔精瘡陰

蝕瘡油髮青黛麝香少許右為末或糝或津唾調

付精義○陰莖上生瘡取月經布燒灰蜜調塗即

愈入門○下疳瘡蝸牛焙乾枯白礬為末溼則乾

糝或油調

付同春

不治證

下疳瘡重者心中疔痛悶絕虛煩甚者不治入門

膝瘡

生於兩腳腫爛臭穢步履艱辛此瘡生於膝骨為重以其骨上肉少皮薄故難愈治法當先取蟲然

後外貼膏藥內服蠟礬丸方見癰疽之類須翹足

端坐勿多行履庶可全愈醫鑑○廉瘡生兩膝上

初起焮腫作痛三陰虛也宜八物湯方見虛勞若

患處黑黯惡寒少食屬肝腎虛宜八味丸方見虛

勞久不愈者大苦參丸方見上○入門○外廉瘡

先以蔥湯洗次貼龍骨膏或馬齒膏溼熱者窰土

膏○內廉瘡先以鹽湯洗次貼蠟礬紙○內外通

用爐灰膏方見雜方點去瘀肉後貼黃蠟膏入門

○廉瘡及腳膝生瘡局方虛損門黃芪丸方見虛

勞服之即愈海藏○內外廉瘡宜粉麝散神捷膏

馬齒膏翠玉膏白膠香散貼藥

三方鍼法洗法取蟲法諸方

### 龍骨膏

治外廉瘡龍骨乳香沒藥蜜陀僧各二錢海

綿紙兩重以鍼插亂孔香油調藥

夾內縛貼瘡上隔日翻貼之入門

### 馬齒膏

治廉瘡馬齒莧煎取汁一釜入黃臘五兩再熬成膏塗之入門

# 窰土膏

治外賺瘡久年窰竈土或竈心黃土黃柏赤

石脂黃丹各五錢輕粉乳香沒藥各一錢右

為末香油調成膏先以茶清洗後油紙攤藥貼之

以巾縛定縱痒不可忍直待結痂去之未愈再貼

入門 ○竈心土以燥溼清熱黃柏之辛以散

火邪乳香沒藥以散瘀血可謂十全矣丹心

# 蠟礬紙

治內賺瘡神效綿紙疊十二重看瘡大小剪

成方片以紙燃釘住另用麻油二兩入川椒

四十九粒慢火熬黑去渣入槐枝四十九寸煎枯

黑去渣入黃蠟一兩枯礬一錢輕粉二分俟溶化

即入前紙令油滲透勿令焦黃取起貼時先以藥

水洗拭用紙齊沓貼上以巾緊縛周時取下近瘡

紙一重候紙取盡則瘡全愈入門

# 黃蠟膏

治內外賺瘡香油一兩入油髮如梅大熬消

化入白膠香三錢黃蠟一兩溶化入龍骨赤

石脂血竭末各三錢攪勻候冷盛磁器每用捏作

薄片貼瘡上絹帛縛定三日後翻過貼之入門

# 粉麝散

治外廉瘡臭爛數十年不愈生龜殼一箇醋

粉麝香各一錢和勻先以蔥湯洗後塗上得效

# 神捷膏

治內外廉瘡久年不愈清油半斤先煎入黃蠟一兩松脂五錢熬至成珠候冷入乳香沒

藥輕粉血竭孩兒茶枯白礬龍骨煨各三錢川椒四錢右為末攪勻收貯先以藥水洗淨用油紙以

鍼刺孔攤藥貼瘡上一日換三次二日後一日換一次每換藥必洗淨貼上醫鑑

# 翠玉膏

治廉瘡瀝青四兩黃蠟銅綠各五錢沒藥三錢右將香油半斤同黃蠟瀝青於火上溶化

次下銅綠沒藥末旋旋攪勻成稠將藥傾冷水中看瘡大小捻作餅子貼之以帛繫定三日一易

# 白膠香散

治內外廉瘡白膠香赤石脂枯白礬各五錢黃丹乳香沒藥輕粉各二錢右為末乾

參或油調付入門



單方 凡六種

黃蠟 一兩猪膽一箇輕粉二錢右熔化  
和勻攤油紙上貼之治廉瘡 丹心

白膠香 治同上黃柏軟石膏各一兩青黛五錢龍膏一錢右為末香油調付 丹心

羯羊屎 治同上燒存性五錢石膏二錢半赤石脂一錢二分右為末香油調付以巾包定除根 丹心

鹿角灰 冷廉瘡油髮灰乳香為末清油調付 得效

砂糖屑 廉瘡成日久不乾津調塗付日二次三日愈 得效

紅絹 治同上蠶空蠶並燒灰胡粉各三分真珠煨二分枯礬髮灰白麪各一分右為末黃蠟二兩熔

化調勻貼之

神效 同春

鍼法 廉瘡色紫黑先以三稜鍼刺去惡血冷水洗淨乃貼膏藥忌日光火氣陽氣如有黑腫未盡可再出

血以紫黑血

盡為度 綱目

### 熏洗方

治廉瘡臭爛先以海桐皮石櫛皮煎湯洗後  
牛蒡子半兩研為末燒熏之無海桐皮則地

骨皮代之

得效

○槐枝蔥白川椒煎湯

或茶清淋洗起乾後乃貼膏藥

得效

### 取蟲方

久廉瘡空取蟲生鱗魚數條以清油塗腹下  
置瘡上盤屈以帛繫定少頃覺痒不可忍然

後取視腹下有小竅皆蟲也未盡再付卻用灰人

腳脛骨燒灰油調付 得效 ○久廉瘡蠹魚腸以五

味火上炙貼蟲

出即去之 本州

### 腎臟風瘡

初起兩足時熱腳跟作痛多於內脛或膝上  
生瘡如癩漸大失治則延及脛股遍身者有

之以腎氣丸

方見虛勞

為主佐以四生散

方見風

門黃芪丸

方見虛勞

外付白膠香散

方見上

○四

生散末每取二錢入猪腎內煨熟空心鹽湯嚼下

尤效入門

○血風瘡與腎臟風瘡相類乃三陰經

風熱鬱火血燥所致癢痒不常膿水淋漓潮熱盜

汗宜四物湯方見血門加浮萍黃芩或當歸赤痛

湯方見足部外治磨風膏方見上大馬齒膏塗之

入門○下疔瘡亦與腎藏風瘡相類生於脚脛或

疔撲而成其瘡口狹皮內極開皮薄如竹膜極痒

痛黃水淋漓積年不愈又染易他人患者須忌房

室取韭菜地地龍糞為末入輕粉清油調付或白

犬血塗之又付檳榔散入門○腎藏風宜服活血

驅風散外用

雞心散得效

# 大馬齒膏

治兩足血風瘡馬齒莧焙乾五錢黃丹黃  
柏枯礬孩兒茶各三錢輕粉一錢右為末

桐油或麻油調勻攤油紙上先以

藥木淋洗拖乾後乃貼之入門

# 檳榔散

治足上生瘡潰爛臭穢全蝎七箇斑猫十四  
箇巴豆肉十四粒檳榔一箇香油一兩半左

慢火煎先入蝎次入猫次入豆次入檳見豆黑色

入蠟一兩候熔去滓只取蠟滴入黃柏炙蛇床子

各二錢雄黃硫黃黃丹海螵蛸各一錢白膠香黃  
連杏仁輕粉各半錢右為末入蠟油中調勻藥水  
洗瘡付之  
立效得效

### 活血驅風散

治腎藏風瘡疼痛此由肝腎虛為風溼  
所侵也蒼朮炒杜仲薑汁炒肉桂天麻

薏苡仁橘紅檳榔厚朴枳殼各六分當歸川芎白  
芷細辛白疾藜炒桃仁白芍藥半夏五靈脂甘艸  
各五分右剉作一貼薑五片棗二枚  
同煎入乳香末少許空心服得效

### 雞心散

治腎藏風發瘡疥雞心檳榔二箇破開以黃  
丹三錢合在內溼紙裏煨全蝎六箇硫黃四

錢入輕粉青黛各半錢麝香少許右和勻磁器收  
貯每用少許清油調抹兩掌掩外腎女掩兩乳各  
搽至醒次日又  
用之經驗得效

### 單方

種凡一

# 石櫛根皮

腳肚上生瘡漸大爬搔不已痒不可忍煮取濃汁稍冷拂瘡上冷如冰雪即成痂效得

# 浸淫瘡

初生甚小先痒後痛汁出浸淫溼爛肌肉延至遍身用苦楝根燒存性為末猪脂調付溼則乾

參先用苦參大腹皮煎湯洗之

小門。浸淫瘡從

口流向四肢者可治從四肢流

入口者不可治

仲景。小兒浸淫瘡

互用苦瓠散綱目

# 苦瓠散

苦瓠二兩蛇蛻麩灰蜂房微炒各五錢桑上塵一合右為末油調攤帛貼之綱目

# 單方

凡五種

# 胡麻

卒得浸淫瘡不早治周身則殺人生爛嚼付之本州

# 小薊

已下四種治皆同上爛擣新木調付乾則易本州

# 蘇米

熬黃杵末木調付之本州

雞冠 熱血付 本州

燕窠土 水和付 本州

凍瘡

冬月凍傷成瘡流水俗呼為凍瘡宜用生附散白  
蘇散如神散臘厚膏 諸方 ○凍耳瘡爛與耳末乾

糝之入門 ○足凍爛生瘡黃丹猪脂調付 得效 ○

足跟凍瘡潰破以蔥椒煎湯洗刮去腐肉鹹刺出

血馬勃末調牛骨髓付之 綱目 ○凍瘡雄雉雞腦

一枚入黃蠟等分清油減半熬膏塗之 入門 ○五

倍子煎湯洗後取兔腦 本州

髓雀腦髓付之 本州

生附散

治凍瘡爛痛生附子為 綱目

白蘇散

治凍耳成瘡黃柏白蘇各五錢左  
為末鹽湯洗後油調付之 得效

如神散

治凍瘡皮爛不可忍大黃細末  
新水調塗瘡上痛止立效 綱目

# 臘享膏

治凍瘡猪脂豨油各二兩半香油二合半海  
松子油一合松脂黃蠟各三兩七錢半右各

煉去滓和合成膏先以

藥水洗後塗之俗方

# 湯火瘡

凡湯火燒傷初時強忍痛急向火炙強忍一時  
即不痛慎勿以冷物搦之使熱毒不出免爛人

筋骨用寒水石三兩半黃柏黃連黃芩梔子大黃

赤石脂各五錢片腦少許右為末鴨子清調付酒

調亦可入門○湯火瘡宜赤石脂散保生救苦散

黃柏散冰霜散四黃散諸方○火燒以好酒洗之

以鹽付上○皮脫者酒熬牛皮膠付之○湯傷者

以淋過第二次灰滓付之○熱酒傷者糯米粉炒

黑末酒調付之丹心○湯火

燒瘡入黃當歸油調付丹心

# 赤石脂散

治湯火傷瘡赤石脂寒水石大黃  
各等分右為末新水調塗之丹心

# 保生救苦散

治湯火熱油所傷爛痛寒水石大黃黃  
柏各等分右為末生麻油調塗或乾糝

### 黃柏散

治同上雞子殼黃柏朴硝大黃寒水石各等分右為末新水調塗之得效

### 冰霜散

治湯火熱油所傷皮爛肉痛寒水石朴硝黃黛牡蠣煨各五錢輕粉半錢右為末新水或

油調塗

之丹心

### 四黃散

治同人大黃黃芩黃連黃柏白芨各等分右為末新水調塗之丹心

### 單方

凡八種

### 黃蜀葵花

湯火瘡為末油調付妙或滴水研爛付亦佳正傳

### 桑葉

已下至生白礬治皆同上取經霜者焙為末香油調付正傳

### 側柏葉

搗爛如泥冷水調塗以帛繫定二三日愈本劑



生梨 切片貼之 爛止痛 本州

生胡麻 爛搗如泥 付之本州

生白礬 為末香油 調塗 醫鑑

白蜜 湯火傷及熱油傷塗之 竹中白 膜貼之日一痛立止即愈 本州

醋泥 治同上付之無痕豆 醬汁付之妙 本州

翻花瘡 翻出一肉突如菌或如蛇形長數寸雄黃為末 付之內服十全大補湯或八物湯 二方 並見 虛

勞 倍參芪歸朮外用藜蘆為末猪脂調塗日一易 候元氣漸復腫毒將盡時塗之則努肉自入否則

雖入復出若誤用鍼力蝕灸必危慎之 入門 甲 品錠子專治翻花瘡 入門 一名綿花瘡 一名廣

東蒼川芎天花粉各五錢輕粉二錢半朱砂雄黃 各一錢二分半麝香五分右為末蒸餅和丸其豆

大每服七丸至九丸  
溫酒下 正傳

### 中品錠子

專治翻花瘡及癭瘤白礬三兩八錢半乳香沒藥各五錢半朱砂三錢半黃七分半礬砂五分熟五分生硃礬一兩半火煨黑烟止用淡青烟石為末麪糊和勻捻作錠子量瘡挿入門入

### 單方

凡二種

### 馬齒莧

治翻花瘡燒灰猪脂調付 本州

### 柳枝葉

治同上濃煎作膏塗之 本州

### 漆瘡

人有惡漆者因見漆中毒生瘡面痒而腫遍身焮痛生蟹取黃塗之 得效 ○石蟹取汁頻塗之 本州

### 神效

○臘茶末油調付柳枝葉煎湯洗入門 ○苾硝湯浸冷洗之 千金 ○鐵漿頻洗即差 本州 ○井中苔搗付之 本州 ○川椒煎湯洗之即愈 本州 ○生薑真汁付之亦可 丹心 ○雞子黃塗之 本州 ○韭葉

研付之本州○紫蘇

葉搗爛擦之綱目

# 軟瘡

瘡小瘡也世謂之熱瘡大如酸棗或如豆色赤而內有膿血也綱目○宜用豬頭散三物散大黃膏

○雞抱卵殼燒灰人輕粉少許油調付之得效○

大枳殼一枚去瓤磨令口平以稠麪糊塗四層覆

貼瘡上自破膿

出甚妙得效

# 豬頭散

治軟瘡愈而復作野蜂房二三箇燒為末另用巴豆肉三七粒清油煎三沸去豆取油調

蜂房末付之立效○又枯白礬末油調付亦效

此方療病有效人以豬頭為謝故名之得效

# 三物散

治鬢邊生軟瘡名發鬢有數年不愈用此極妙豬頸上毛貓頸上毛各燒存性各一罇風

屎一枚右為末加輕粉

少許清油調付得效

# 大黃膏

治軟瘡大黃黃柏當歸各等分石為末以生地黃汁調塗之俗方

有名無名諸惡瘡

蒲萄瘡天行斑瘡月蝕瘡內疔瘡痛瘡走皮癩瘡白蛇纏瘡魚目瘡熱毒瘡

瘡火斑瘡此皆有名瘡也。此外皆無名諸惡瘡也。又有洗瘡法殺蟲法生肌法諸瘡中風水作

痛法

蒲萄瘡

瘡頭如蒲萄色四圍腫起先追膿盡次用冰梅罨之神愈

綱目

天行斑瘡

人身發天行斑瘡一身周匝如火瘡皆戴白漿不治則數日必死差後瘡癩黯一歲

方滅此惡毒之氣所為取好蜜煎升麻數數洗拭塗之本州。又煮葵菜葉以蒜薑啖之數日即止

綱目

月蝕瘡

小兒多有之生耳後隨月盛衰胡粉炒黃枯白礬黃丹黃連輕粉各二錢乾胭脂一錢麝

香少許右為末香油調塗入門。又黃連枯礬末付之妙

本州

內疳瘡

生於口上腭初發如蓮花根蒂小而下垂乃  
犬治法以鉤刀決其根燒鐵烙以止其血次

以雄黃輕粉粉霜白芷白蘇為末付之以槐枝作  
枕支其牙頰間毋使口合一兩時許瘡癩定合口

印便次日日出膿生  
肌散付之 入門

癩瘡

生手足間相對如新芽莫痒痛拆裂有孔如蝸  
久不愈杏仁乳香各三錢硫黃輕粉各一錢半

右為末麻油三錢入黃蠟五錢熔  
化入煎藥末攪煎成膏塗之 入門

走皮癩瘡

生滿頰項發如豆梅蔓延兩耳流汁溼爛  
先用桑寄生 無則桑耳代之 桑根皮各一

握白芷黃連各少許煎湯洗之候血盡次用皂莢  
竹笋皮燒存性黃柏白芷藍葉等分為末清油調

塗神效 入門 ○手癩瘡皂角枯礬輕粉黃柏黃連  
為末敷之 入門 ○小兒胎癩頭生紅餅瘡先以艾

葉白芷大腹皮蔥白煎湯洗後  
生藍葉生艾葉入蜜搗付 入門

蛇纏瘡

身上生瘡有頭尾儼似蛇形初起宜隔蒜於頭上灸之雄黃為末醋調付之又酒調服之

入門

○遍身生瘡狀如蛇頭取蠟礬丸方見癰疽每服百丸大有神效

入門

魚目瘡

遍身生瘡如魚目無膿又名征虜瘡升麻剉水濃煎入蜜二三匙鴉翎蘸拭洗瘡得效

熱毒瘡

遍身生熱毒瘡痛而不痒粘著衣被夜不得睡菖蒲作末厚布席上恣臥其間不五七日

其瘡如失應手神驗本州空用紫艸膏葵花散諸方

火斑瘡

人常近火則多生火斑瘡出汗痛痒黃柏薄荷葉為末糝之即安或煎湯洗亦佳得效

諸般惡瘡

諸般遍身瘡及惡瘡出膿血痛痒宜涼血飲又平血飲合人參敗毒散方見寒門連

翹飲疎風解毒散合掌散松脂貼散二黃膏貝母

膏金華散爐灰膏青金錠子一掃光生肌散黃蠟

膏洗藥方殺蟲方生肌方

諸瘡中風水方單方諸方

紫艸膏

治熱毒瘡紫艸茸黃柏黃連漏蘆各五錢赤小豆末菜豆粉各一合右為末猪脂或清油

調日三付直指

葵花散

治一切熱瘡鬱金黃連黃柏梔子葵花各等分右為末冷水調膏貼之神效

得效

涼血飲

治血熱生瘡赤芍藥黃芩川芎荆芥生苧麥門冬天花粉甘艸各一錢右剉作一貼入燈

心十莖竹葉十片煎服得效

平血飲

治諸瘡遍身出膿血痛痒即升麻葛根湯方見寒門加天麻蟬殼也右剉與人參敗毒散

合和加生薑薄荷生地黃麥門冬煎服得效

連翹飲

治惡瘡遍身痛痒及血風瘡連翹赤芍藥當歸荆芥防風惡實川芎梔子黃芩瞿麥木通

生乾地黃瓜萋根麥門冬甘艸各七分右剉作一貼人燈心一塊水煎服得效

# 疎風解毒散

治遍身瘡痒痛白芷細辛蒺藜子炒麻黃檳榔當歸鬚生乾地黃川芎赤芍藥

獨活白牽牛微炒桑白皮炒蒼朮炒枳殼甘艸炙各七分右剉作一貼入黑豆七十粒紫蘇五葉生

薑五片同煎服直指

# 合掌散

治遍身生瘡百藥不效檳榔五箇為末硫黃生研五錢輕粉半錢右為末每一錢安手掌

內油調夜臥時塗外腎不得洗手但擦手令乾一二日即愈得效

# 松脂貼散

治一切惡瘡及無名瘡黃柏黃連松脂明者膩粉土蜂窠以泥做者甘州各一錢右

為末另取水銀一錢放在掌心以唾擦為泥入磁器中和藥末及清油令如稀錫先以藥水洗瘡拭

乾塗之即愈治疥尤妙得效

# 二黃膏

治一切惡瘡清油三兩煎巴豆肉二十粒微黑色去豆入黃蠟一兩熔化又入硫黃雄黃



末各一錢和勻成膏以藥水洗  
瘡後擦付二三次神效得效

### 貝母膏

治諸惡瘡貝母三錢半夏生用南星生用  
五倍子白芷黃柏苦參各二錢半黃丹一錢

半雄黃一錢右為末  
水調付或乾糝直指

### 金華散

治一切溼熱惡瘡亦療小兒黃丹一兩黃柏  
黃連各五錢輕粉一錢右為末藥水洗後糝

之貼之  
丹心

### 爐灰膏

治一切惡瘡除去瘀  
肉最妙方見雜方

### 青金錠子

治諸惡瘡膿出不快及多年疔癩瘡白丁  
香銅綠礪砂粉霜輕粉各五分麝香龍腦

各一字右為末麪糊和搥作錠子  
維入瘡口中或糝付亦可精義

### 一掃光

治小兒頭瘡及多虱子瘙痒成瘡膿水不止  
細茶水銀各一錢同研細牙皂川椒各二錢

右為末油調  
搽上回春

### 生肌散

治一切瘡斂口大效寒水石煨滑石各一兩  
烏賊骨龍骨各五錢蜜陀僧枯白礬乾胭脂

定粉各二錢半右為末  
朱乾糝瘡中妙精義

### 黃蠟膏

治諸瘡能生肌香油黃蠟松脂各等分  
右溶化待凝貼之加油髮灰尤妙俗方

### 洗藥方

治諸般惡瘡黃柏茵陳荊芥蔥白藿香煎水  
淋洗為妙得效○洗諸般惡瘡毒艾葉細茶

蔥白桃枝柳枝川椒濃煎湯入鹽頻洗回春

### 殺蟲方

治惡瘡有蟲膽礬輕粉乳香各一錢硼砂雄  
黃土蜂房各二錢龍骨虎骨白礬露蜂房各

二錢半麝香五分片腦一字右為末藥水洗後付  
之神效海藏○諸瘡殺蟲檳榔五錢黃連二錢半

穿山甲五片燒灰麝香一字右為末茶清調  
塗得效○諸惡瘡有蟲須用斑貓藜蘆入門

生肌方

凡治惡瘡令生肌宜用生肌散翠霞散黃蠟膏三方見上。凡看瘡內肉黑色勿止生肌

散宜用消蝕之藥直待黑肉去盡方可上生肌散入門。如開瘡口用生肌去腐肉用煨砒生好肉

去砒加枯白礬入門

諸瘡中風水發腫痛

凡瘡瘍未合風入為破傷風溼入為破傷溼二者害人最急宜

慎之三四。諸瘡入皂角水及惡水熱痛不止皂

角子燒存性研二錢半砂糖末五錢和勻如膏貼瘡上本州。諸瘡中風水疼腫鯉魚目燒灰研付

汁出即愈諸魚目並得本州。又方川椒一升和麩作餅灰火煨熟斷開口封合瘡上冷則易出水

即差本州。又方桑柴灰淋汁漬之冷復易本州。又方蔥白連鬚煮湯洗之或連莖葉煨研罾付

本州。又方薤白擣爛火炙令熱付瘡上以帛裹定冷則易出

水即差本州

單方

凡十  
四種

生胡麻油

治惡瘡及諸瘡塗之  
妙生麻油亦可  
本州

馬齒莧

治同上爛疔付上便愈  
本州  
○一婦人臍下  
連一陰患惡瘡熱痒而痛大小便澀出黃汁

百治不差有人教先以溫水洗拭取馬齒莧四兩

青黛一兩同研勻付瘡上乾則易新者仍服八正

散方見小便二

十日全愈本州

熊膽汁

治同上塗之  
效  
犬膽亦可  
本州

蟾蜍

燒灰油調付諸  
惡瘡甚妙  
本州

蛇蛻皮

久遠惡瘡不差燒  
灰猪脂調付  
本州

朝生暮落花

一名鬼蓋  
即朝生糞穢處如菌作末和  
油塗惡瘡甚佳  
牛糞上黑菌尤佳  
本州

蜚蠊 一切惡瘡取十枚端午日  
收乾作末油調付本州

臘猪脂 療惡瘡和雄黃輕  
粉付之正傳

麩鼠膏 主惡瘡塗  
之本州

芭蕉葉 治同上取經霜者為  
末香油調付丹心

石灰 淋取汁溫洗  
惡瘡本州

雄黃 治惡瘡為  
第一本州

硫黃 功效同  
上本州

貝母 諸惡瘡末人雄黃  
少許糝之本州

訂正東醫寶鑑雜病篇卷之八